

C40
4514
(16)

6
7
8
9
60
1
2
3
4
5
6
7
8
9
70
1
2
3
4
5
6
7
8
9
80
1
2
3
4



C40-4514

了翁上座請大藏及百
家書置文州苦雲山
我徵笑培院后府中永
為學者不敢許出院內
當山二世鐵牛機謹誌



B 64853

妙法蓮華經卓解卷第五

姚秦三藏法師鳩摩羅什
武原無依道人徐昌治觀周氏逗注



原譯

安樂行品第十四

心無他適而自若。謂之安。性得其所而圖順。謂
之樂。久不變動而功高。謂之行。
要能安樂行無虧。念念心休向外馳。
日久功深成一片。大千世界碧琉璃。

爾時文殊師利法王子菩薩摩訶薩。白佛言。世尊。是
諸菩薩甚為難有。敬順佛故。發大誓願。於後惡世。護
持讀誦是法華經。此歎前品安行菩薩。去濁惡世。能

此歎前品安行菩薩。去濁惡世。能

世尊。菩薩摩訶薩。於後惡世。云何能說是經。佛告文殊師利。若菩薩摩訶薩。於後惡世。欲說是經。當安住四法。此標身口意普願。四安樂也。

一者安住菩薩行處。親近處能為衆生演說是經。文殊師利。云何名菩薩摩訶薩行處。若菩薩摩訶薩住忍辱地。柔和善順。而不卒暴。心亦不驚。又復於法無所行。而觀諸法如實相。亦不行不分別。是名菩薩摩訶薩行處。約三法明行處。初約一法。二約二法。三約三法。皆安樂行。云何名菩薩摩訶薩親近處。菩薩摩訶薩不親近國

王王子大臣官長。下釋近。霞明。遠十惱亂。乃即遠而論近也。

不親近諸外道。梵志尼犍子等。及造世俗文筆。讀味

外書。及路伽耶陀。逆路伽耶陀者。此第二遠。邪人法。梵志出家外道。尼犍在家外道。如陀順世外道。逆

如陀不順世間故。

亦不親近諸有兇戲。相掎相撲。及那羅等。種種變現

此第三遠。兇戲也。相掎相撲。即兇戲也。那羅。此云力。即是角力戲。亦是設筋力戲也。

又不親近旃陀羅。及畜猪羊雞狗。畋獵漁捕。諸惡律

儀。如是人等。或時來者。則為說法。無所希望。

此第四遠。旃陀羅也。旃陀羅。云屠者。若親近。令人少慈。

又不親近求聲聞比丘比丘尼優婆塞優婆夷亦不問訊若於房中若經行處若在講堂中不共住止或時來者隨宜說法無所希求

此第五遠二乘衆也。二乘之人。沉滯空寂。不能發菩提心也。

文殊師利又菩薩摩訶薩不應於女人身取能生欲想相而為說法亦不樂見若入他家不與小女處女寡女等共語。此第六遠欲想也。欲想能害菩提心。

亦復不近五種不男之人以為親厚。此第七遠不男也。

不獨入他家若有因緣須獨入時但一心念佛。第八遠害

若為女人說法不露齒笑不現青臆乃至為法猶不親厚况復餘事。此第九遠譏嫌也。

不樂畜年少弟子沙彌小兒亦不樂與同師。第十遠畜養也。

常好坐禪在於閑處修攝其心文殊師利是名初親近處復次菩薩摩訶薩觀一切法空。

前遠離十種惱亂。即是修戒。今常好坐禪。即是修定。次觀一切法空。即是修慧。

如實相不顛倒不動不退不轉如虛空無所有性一切語言道斷不生不出不起無名無相實無所有無

量無邊無礙無障。不顛等者。凡夫依正二報之法。本長無常。反執為常。本是苦。反執為

樂。本無我。反執爲我。本不淨。反執爲淨。此凡夫四
倒也。二乘於常樂我淨四德。反執爲苦無常無我
不淨。此二乘四倒也。菩薩無此八倒。故云不顛倒
不動者。不爲分段變易二種生死所動也。不退者
契寂滅理也。不轉者。不似凡夫派轉生死。不似二
乘轉九成聖也。

但以因緣有。從顛倒生。故說常樂。觀如是法相。是名
菩薩摩訶薩第二親近處。

上直明中道觀慧。非解非惑。絕二邊之相。今明雙
照二邊。從惑因緣。生生死。從解因緣。生涅槃。

爾時世尊。欲重宣此義。而說偈言。

若有菩薩。於後惡世。無怖畏心。欲說是經。應入行
處。及親近處。常離國王。及國王子。大臣官長。兇險

戲者。及旃陀羅。外道梵志。亦不親近。增上慢人。貪
著小乘。三藏學者。破戒比丘。名字羅漢。及比丘尼
好戲笑者。深著五欲。求現滅度。諸優婆夷。皆勿親
近。若是人等。以好心來。到菩薩所。爲聞佛道。菩薩
則以無所畏心。不懷希望。而爲說法。寡女處女。及
諸不男。皆勿親近。以爲親厚。亦莫親近。屠兒魁膾。
畋獵漁捕。爲利殺害。販肉自活。銜賣女色。如是之
人。皆勿親近。兇險相撲。種種嬉戲。諸婬女等。盡勿
親近。莫獨屏處。爲女說法。若說法時。無得戲笑。入

法華經疏解卷五
里乞食。將一比丘。若無比丘。一心念佛。是則名爲
行處。近處。以此二處。能安樂說。又復不行上中下
法。有爲無爲。實不實法。亦不分別。是男是女。不得
諸法。不知不見。是則名爲菩薩行處。一切諸法。空
無所有。無有常住。亦無起滅。是名智者所親近處。
顛倒分別。諸法有無。是實非實。是生非生。在於閑
處。修攝其心。安住不動。如須彌山。觀一切法。皆無
所有。猶如虛空。無有堅固。不生不出。不動不退。常
住一相。是名近處。若有比丘。於我滅後。入是行處。

及親近處。說斯經時。無有怯弱。菩薩有時。入於靜
室。以正憶念。隨義觀法。從禪定起。爲諸國王王子
臣民。婆羅門等。開化演暢。說斯經典。其心安隱。無
有怯弱。

此釋安樂之因。因正憶念。修智慧故。離諸取著。得法無我。內無顛倒。心不怯弱。名安樂也。

文殊師利。是名菩薩安住初法。能於後世說法華
經。

又文殊師利。如來滅後。於末法中。欲說是經。應住安
樂行。若口宣說。若讀經時。不樂說人。及經典過。亦不

輕慢諸餘法師。

始行弘經之人。過求法者。但以大乘而為解說。深住弘經者。始末以三藏等三。顯於圓頓也。

不說他人好惡長短。於聲聞人。亦不稱名說其過惡。

亦不稱名讚歎其美。不稱他短。不說己長。於聲聞等者。聲聞根性不定。若歎二乘。或

今彼過大取小。若毀皆二乘。或令其大小俱失。所以毀讚俱不應也。

又亦不生怨嫌之心。善修如是安樂心故。諾有聽者。

不逆其意。有所難問。不以小乘法答。但以大乘而為

解說。令得一切種智。

上既觀諸法空。心已住於空理。無所取著。必不執大而輕於小。但隨順物情。復不違於大乘法相。

爾時世尊。欲重宣此義。而說偈言。

菩薩常樂安隱說法。於清淨地而施牀座。以油塗

身。澡浴塵穢。著新淨衣。內外俱淨。安處法座。隨問

為說。若有比丘。及比丘尼。諸優婆塞。及優婆夷。國

王王子。群臣士民。以微妙義。和顏為說。若有難問。

隨義而答。因緣譬喻。敷演分別。以是方便。皆使發

心。漸漸增益。入於佛道。除懶愆意。及懈怠想。離諸

憂惱。慈心說法。慈嫌心起。則懈懶憂惱。今慈心說法。絕無怨嫌。精進無憂。

晝夜常說。無上道教。以諸因緣。無量譬喻。開示衆

生。咸令歡喜。衣服臥具。飲食醫藥。而於其中。無所希望。但一心念。說法因緣。願成佛道。令衆亦爾。是則大利。安樂供養。我滅度後。若有比丘。能演說斯妙法華經。心無嫉恚。諸惱障礙。亦無憂愁。及罵詈者。又無怖畏。加刀杖等。亦無擯出。安住忍故。智者如是。善修其心。能住安樂。如我上說。其人功德。千萬億劫。算數譬喻。說不能盡。

又文殊師利菩薩摩訶薩。於後末世。法欲滅時。受持讀誦斯經典者。無懷嫉妬誑誑之心。二乘欲出生死。故先除貪欲。菩薩欲化他。故先除嗔見。嫉妬違慈悲。非化他之法。

薩欲化他。故先除嗔見。嫉妬違慈悲。非化他之法。

亦勿輕罵學佛道者。求其長短。若比丘。比丘尼。優婆塞。優婆夷。求聲聞者。求辟支佛者。求菩薩道者。無得惱之。令其疑悔。語其人言。汝等去道甚遠。終不能得

一切種智。所以者何。汝是放逸之人。於道懈怠故。

比丘等四衆。皆有三乘之機。故云求聲聞等。此戒不應以圓。呵通教三乘者。

又亦不應戲論諸法。有所諍競。當於一切衆生。起大慈悲。於諸如來。起慈父想。於諸菩薩。起大師想。於十方諸大菩薩。常應深心恭敬禮拜。於一切衆生。平等

說泐以順泐故不多不少乃至深受泐者亦不為多

說者平等破偏執之評泐本平等故云順泐不多不少者量其機器之利鈍也

文殊師利是菩薩摩訶薩於後末世泐欲滅時有成

就是第三安樂行者說是泐時無能惱亂

此結意安樂行也

得好同學共讀誦是經亦得大眾而來聽受聽已能

持持已能誦誦已能說說已能書若使人書供養經

卷恭敬尊重讚歎爾時世尊欲重宣此義而說偈言

若欲說是經 當捨嫉恚慢 誦誑和偽心

常修質直行 不輕蔑於人 亦不戲論泐

不令它疑悔 云汝不得佛 是佛子說泐

常柔和能忍 慈悲於一切 不生懈怠心

十方大菩薩 愍眾故行道 應生恭敬心

是則我大師 於諸佛世尊 生無上父想

破於憍慢心 說泐無障礙 第三泐如是

智者應守護 一心安樂行 無量眾所敬

又文殊師利菩薩摩訶薩於後末世泐欲滅時有持

是法華經者

此下第四普願安樂行也以身口意與慈悲發願流通此經

於在家出家人中生大慈心於非菩薩人中生大悲

心。應作是念。如是之人。則爲大失。如來方便隨宜說
法。不聞不知。不覺不問。不信不解。其人雖不問不信
不解。是經我得阿耨多羅三藐三菩提時。隨在何地。
以神通力。智慧力。引之令得住是法中。文殊師利。是
菩薩摩訶薩。於如來滅後。有成就此第四法者。說是
法時。無有過失。常爲比丘。比丘尼。優婆塞。優婆夷。國
王王子。大臣人民。婆羅門居士等。供養恭敬。尊重讚
歎。虛空諸天爲聽法故。亦常隨侍。若在聚落城邑。空
閑林中。有人來欲難問者。諸天晝夜常爲說法。故。而衛

護之。能令聽者皆得歡喜。所以者何。此經是一切過
去未來現在諸佛神力所護故。文殊師利。是法華經。
於無量國中。乃至名字不可得聞。何況得見受持讀
誦。文殊師利。譬如強力轉輪聖王。欲以威勢降伏諸
國。而諸小王不順其命。時轉輪王起種種兵而往討
伐。王見兵衆戰有功者。卽大歡喜。隨功賞賜。或與田
宅。聚落城邑。或與衣服。嚴身之具。或與種種珍寶。金

銀琉璃磚磔碼。珊瑚琥珀象馬車乘奴婢人民。

田卽三昧。宅卽智慧。邑卽三果。城卽四果。涅槃衣
服卽慚忍善泔嚴身之具。種種七寶。卽七覺支等。

唯髻中明珠。不以與之。所以者何。獨王頂上有此一珠。若以與之。王諸眷屬。必大驚怪。

髻。喻權。珠。喻實。在頂上者。極果所宗。驚怪者。衆生大機未動。二乘疑惑。驚怪。

文殊師利。如來亦復如是。以禪定智慧力。得法國王。王於三界。而諸魔王不肯順伏。如來賢聖諸將。與之共戰。其有功者。心亦歡喜。於四衆中。為說諸經。令其心悅。賜以禪定。解脫。無漏。根力。諸法之財。又復賜與。涅槃之城。言得滅度。引導其心。令皆歡喜。而不為說是法華經。文殊師利。如轉輪王。見諸兵衆。有大功者。

心甚歡喜。以此難信之珠。久在髻中。不妄與人。而今與之。解髻。即開權。與珠。即顯實。

如來亦復如是。於三界中。為大法王。以法教化一切衆生。見賢聖軍。與五陰魔。煩惱魔。死魔。共戰。有大功勳。滅三毒。出三界。破魔網。爾時如來亦大歡喜。此法華經。能令衆生。至一切智。一切世間。多怨難信。先所未說。而今說之。文殊師利。此法華經。是諸如來第一之說。於諸說中。最為甚深。末後賜與。如彼強力之王。久護明珠。今乃與之。文殊師利。此法華經。諸佛如來。

法華經解疏卷五

秘密之藏。於諸經中。最在其上。長夜守護。不妄宣說。始於今日。乃與汝等而敷演之。

一切內法內名。能知解。一切外法外名。亦能知解。但不能以一切道。怨一切種。故名一切智。

爾時世尊。欲重宣此義。而說偈言。

常行忍辱。衰愍一切。乃能演說。佛所讚經。後末世時。持此經者。於家出家。及非菩薩。應生慈悲。斯等不聞不信。是經則為大失。我得佛道。以諸方便。為說此法。令住其中。譬如強力轉輪之王。兵戟有功。賞賜諸物。象馬車乘。嚴身之具。及諸田宅。聚落城

邑。或與衣服。種種珍寶。奴婢財物。歡喜賜與。如有勇健。能為難事。王解髻中明珠。賜之。如來亦爾。為諸法王。忍辱大力。智慧寶藏。以大慈悲。如法化世。見一切人。受諸苦惱。欲求解脫。與諸魔戰。為是眾生。說種種法。以大方便。說此諸經。既知眾生。得其力已。末後乃為說。是法華。如王解髻明珠。與之。此經為尊。眾經中上。我常守護。不妄開示。今正是時。為汝等說。我滅度後。求佛道者。欲得安隱。演說斯經。應當親近。如是四法。讀是經者。常無憂惱。又無

病痛顏色鮮白。不生貧窮卑賤醜陋。衆生樂見。如慕賢聖。天諸童子。以爲給使。刀杖不加。毒不能害。若人惡罵。口則閉塞。遊行無畏。如師子王。智慧光明。如日之照。若於夢中。但見妙事。見諸如來。坐師子座。諸比丘衆。圍繞說法。又見龍神。阿修羅等。數如恒沙。恭敬合掌。自見其身。而爲說法。又見諸佛。身相金色。於無量光。照於一切。以梵音聲。演說諸法。佛爲四衆。說無上法。見身處中。合掌讚佛。聞法歡喜。而爲供養。得陀羅尼。証不退智。佛知其心。深

入佛道。卽爲授記。成最正覺。汝善男子。當於來世。得無量智。佛之大道。國土嚴淨。廣大無比。亦有四衆。合掌聽法。又見自身。在山林中。修習善法。証諸實相。深入禪定。見十方佛。

諸佛身金色。百福相莊嚴。聞法爲人說。常有是好夢。又夢作國王。捨宮殿眷屬。及上妙五欲。行詣於道場。在菩提樹下。而處師子座。求道過七日。得諸佛之智。成無上道已。起而轉法輪。爲四衆說法。

經千萬億劫。說無漏妙法。度無量衆生。

後當入涅槃。如煙盡燈滅。若後惡世中。

說是第一法。是人得大利。如上諸功德。

○從地涌出品第十五。

法身無去亦無來。可嘆時人空自猜。三際十方俱坐斷。乾坤信是眼中埃。

爾時他方國土諸來菩薩摩訶薩。過八恒河沙數。於大衆中起。合掌作禮而白佛言。世尊。若聽我等於佛滅後。在此娑婆世界。勤加精進。護持讀誦。書寫供養。是經典者。當於此土而廣說之。爾時佛告諸菩薩摩

訶薩衆。止善男子。不須汝等護持此經。所以者何。我娑婆世界。自有六萬恒河沙等菩薩摩訶薩。一一菩薩。各有六萬恒河沙眷屬。是諸人等。能於我滅後。護持讀誦。廣說此經。佛說是時。娑婆世界。三千大千國土。地皆振裂。而於其中有無量千萬億菩薩摩訶薩。同時涌出。是諸菩薩身皆金色。三十二相。無量光明。先盡在此娑婆世界之下。此界虛空中住。

住處者。常寂光也。常即常德。寂即樂德。光即淨我二德。此四德秘密之藏。是其住處。

是諸菩薩。聞釋迦牟尼佛所說音聲。從下發來。一一

菩薩皆是大衆唱導之首。各將六萬恒河沙眷屬。况將五萬四萬三萬二萬一萬恒河沙等眷屬者。况復乃至一恒河沙半恒河沙四分之一。乃至千萬億那由他分之一。况復千萬億那由他眷屬。况復億萬眷屬。况復千萬百萬乃至一萬。况復一千一百乃至一十。况復將五四三二一弟子者。况復單已樂遠離行。如是等比。無量無邊。算數譬喻所不能知。是諸菩薩從地出已。各詣虛空七寶妙塔多寶如來。釋迦牟尼佛所到已。向二世尊。頭面禮足。及至諸寶樹下。師子

座上佛所。亦皆作禮。右遶三匝合掌恭敬。以諸菩薩種種讚法。而以讚歎。住在一面。欣樂瞻仰於二世尊。是諸菩薩摩訶薩。從初涌出。以諸菩薩種種讚法而讚於佛。如是時間。經五十小劫。是時釋迦牟尼佛默然而坐。及諸四衆亦皆默然。五十小劫佛神力故。令諸大衆。謂如半日。

五十小劫。謂如半日。四衆徧見。此乃隱長而現短。借其神力。令狹而見廣。俱是不可思議也。

爾時四衆亦以佛神力故。見諸菩薩徧滿無量百千萬億國土虛空。是菩薩衆中有四導師。一名上行。二

名無邊行。三名淨行。四名安立行。是四菩薩。於其衆中。最爲上首唱導之師。在大衆前。各共合掌。觀釋迦牟尼佛。而問訊言。世尊。少病。少惱。安樂行不。所應度者。受教易不。不令世尊生疲勞耶。爾時四大菩薩而說偈言。

世尊安樂。少病少惱。教化衆生。得無疲倦。又諸衆生。受化易不。不令世尊生疲勞耶。

爾時世尊。於菩薩大衆中。而作是言。如是如是。諸善男子。如來安樂。少病少惱。諸衆生等。易可化度。無有疲勞。所以者何。是諸衆生。世世已來。常受我化。亦於過去。諸佛恭敬尊重。種種善根。此諸衆生。始見我身。聞我所說。卽皆信受。入如來慧。除先修習。學小乘者。如是之人。我今亦令得聞是經。入於佛慧。

根鈍德薄者。世世已來。不受大化。故須開頓說漸。亦令此人。今聞法華。入於佛慧。

爾時諸大菩薩而說偈言。

善哉善哉。大雄世尊。諸衆生等。易可化度。能問諸佛。甚深智慧。聞已信行。我等隨喜。

於時世尊。讚歎上首諸大菩薩。善哉善哉。善男子。汝

等能於如來發隨喜心。爾時彌勒菩薩。及八千恒河沙諸菩薩衆。皆作是念。我等從昔已來。不見不聞。如是大菩薩摩訶薩衆。從地涌出。住世尊前。合掌供養。問訊如來。時彌勒菩薩摩訶薩。知八千恒河沙諸菩薩等心之所念。并欲自決所疑。合掌向佛。以偈問曰。

無量千萬億。大衆諸菩薩。昔所未曾見。
 願兩足尊說。是從何所來。以何因緣集。
 巨身大神通。智慧巨思議。其志念堅固。
 有大忍辱力。衆生所樂見。爲從何所來。

一一諸菩薩。所將諸眷屬。其數無有量。
 如恒河沙等。或有六菩薩。將六萬恒沙。
 如是諸大衆。一心求佛道。是諸大師等。
 六萬恒河沙。俱來供養佛。及護持是經。
 將五萬恒沙。其數過於是。四萬及三萬。
 二萬至一萬。一千一百等。乃至一恒沙。
 半及三四分。億萬分之一。千萬那由他。
 萬億諸弟子。乃至於半億。其數復過上。
 百萬至一萬。一千及一百。五十與一十。

乃至三二一。單已無眷屬。樂於獨處者。俱來至佛所。其數轉過上。如是諸大衆。若人行籌數。過於恒沙劫。猶不能盡知。是諾大威德。精進菩薩衆。誰爲其說。教化而成就。從誰初發心。稱揚何佛法。受持行誰經。修習何佛道。如是諸菩薩。神通大智力。四方地振裂。皆從中漏出。世尊我昔來。未曾見是事。願說其所從。國土之名號。我常遊諸國。未曾見是衆。

我於此衆中。乃不識一人。忽然從地出。願說其因緣。今此之大會。無量百千億。是諸菩薩等。皆欲知此事。是諸菩薩衆。本末之因緣。無量德世尊。惟願決衆疑。爾時釋迦牟尼分身諸佛。從無量千萬億他方國土來者。在於八方諸寶樹下師子座上。結跏趺坐。其佛侍者。各各見是菩薩大衆。於三千大千世界四方。從地涌出。住於虛空。各白其佛言。世尊。此諸無量無邊阿僧祇菩薩大衆。從何所來。爾時諸佛各告侍者。諸

善男子。且待須臾。有菩薩摩訶薩。名曰彌勒。釋迦牟尼佛之所授記。次後作佛。已問斯事。佛今答之。汝等自當因是得聞。此他土菩薩疑也。其佛侍者即他方菩薩分身眷屬。爾時釋迦牟尼佛告彌勒菩薩。善哉善哉。阿逸多。乃能問佛如是大事。汝等當共一心。被精進鎧。發堅固意。如來今欲顯發宣示諸佛智慧。諸佛自在神通之力。諸佛師子奮迅之力。諸佛威猛大勢之力。

自在神力者。過去益物也。師子奮迅者。十方分身所被之處。現在益物也。大勢威猛。未來益物也。

爾時世尊欲重宣此義。而說偈言。

常精進一心。我欲說此事。勿得有疑悔。
 佛智叵思議。汝今出信力。住於忍善中。
 昔所未聞法。今皆當得聞。我今安慰汝。
 勿得懷疑懼。佛無不實語。智慧不可量。
 所得第一法。甚深叵分別。如是今當說。
 汝等一心聽。

爾時世尊說此偈已。告彌勒菩薩。我今於此大衆宣告汝等。阿逸多。是諸大菩薩摩訶薩。無量無數阿僧祇。從地涌出。汝等昔所未見者。我於是娑婆世界得

阿耨多羅三藐三菩提已。教化示導是諸菩薩。調伏其心。令發道意。此諸菩薩。皆於是娑婆世界之下。此界虛空中住。於諸經典。讀誦通利。思惟分別。正憶念阿逸多。是諸善男子等。不樂在衆。多有所說。常樂靜處。勤行精進。未曾休息。亦不依止人天而住。常樂深智。無有障礙。亦常樂於諸佛之法。一心精進。求無上慧。爾時世尊。欲重宣此義。而說偈言。

阿逸汝當知。是諸大菩薩。從無數劫來。修習佛智慧。悉是我所化。令發大道心。

此等是我子。依止是世界。常行頭陀事。志樂於靜處。捨大衆憤鬧。不樂多所說。如是諸子等。學習我道法。晝夜常精進。爲求佛道故。在娑婆世界。下方空中住。志念力堅固。常勤求智慧。說種種妙法。其心無所畏。我於伽耶城。菩提樹下坐。得成最正覺。轉無上法輪。爾乃教化之。令初發道心。今皆住不退。悉當得成佛。我今說實語。汝等一心信。我從久遠來。

教化是等衆。阿逸多。云無能勝。伽耶。山名。

爾時彌勒菩薩摩訶薩。及無數諸菩薩等。心生疑惑。怪未曾有。而作是念。云何世尊。於少時間。教化如是無量無邊阿僧祇諸大菩薩。令住阿耨多羅三藐三菩提。卽白佛言。世尊。如來爲太子時。出於釋宮。去伽耶城不遠。坐於道場。得成阿耨多羅三藐三菩提。從是已來。始過四十餘年。世尊。云何於此少時。大作佛事。以佛勢力。以佛功德。教化如是無量大菩薩衆。當成阿耨多羅三藐三菩提。世尊。此大菩薩衆。假使有

人。於千萬億劫。數不能盡。不得其邊。斯等久遠已來。於無量無邊諸佛所。植諸善根。成就菩薩道。常修梵行。此所化既多。行位深妙。又執遠而疑近也。

世尊。如此之事。世所難信。譬如有人。色美髮黑。年二十五。指百歲人。言是我子。其百歲人。亦指年少。言是我父。生育我等。是事難信。

色美髮黑。總在年少。比如來是父。譬上成道近也。指百歲人。比地涌諸菩薩是子。譬上所化甚多也。

佛亦如是。得道已來。其實未久。而此大衆諸菩薩等。已於無量千萬億劫。爲佛道故。勤行精進。善入出住。

無量百千萬億三昧。得大神通。久修梵行。善能次第
習諸善法。巧於問答。人中之寶。一切世間甚爲希有。
善入山住者。九次第定。是善入。師子奮迅三昧。是
善出。麈尾三昧。是善住。
今日世尊。方云得佛道時。初令發心。教化示導。令向
阿耨多羅三藐三菩提。世尊得佛未久。乃能作此大
功德事。我等雖復信佛。隨宜所說。佛所出言。未曾虛
妄。佛所知者。皆悉通達。然諸新發意菩薩。於佛滅後。
若聞是語。或不信受。而起破法罪業因緣。

分別而說。令謗者則生信。
信者則增道。

嗟然世尊。願爲解說。除我等疑。及未來世諸善男子。
聞此事已。亦不生疑。爾時彌勒菩薩。欲重宣此義。而
說偈言。

佛昔從釋種。出家近伽耶。坐於菩提樹。
爾來尚未久。此諸佛子等。其數不可量。
久已行佛道。住於神通力。善學菩薩道。
不染世間法。如蓮華在水。從地而涌出。
皆起恭敬心。住於世尊前。是事難思議。
云何而可信。佛得道甚近。所成就甚多。

願爲除衆疑。如實分別說。辟如少壯人。
年始二十五。示人百歲子。髮白而面皺。
是等我所生。子亦說是父。父少而子老。
舉世所不信。世尊亦如是。得道來甚道。
是諸菩薩等。志固無怯弱。從無量劫來。
而行菩薩道。巧於難問答。其心無所畏。
忍辱心決定。端正有威德。十方佛所讚。
善能分別說。不樂在人中。常好在禪定。
爲求佛道故。於下空中住。我等從佛聞。

於此事無疑。願佛爲未來。演說令開解。
若有於此經。生疑不信者。卽當墮惡道。
願今爲解說。是無量菩薩。云何於少時。
教化令發心。而住不退地。

○如來壽量品第十六。

乾坤大道本圓成。水自綠來山自青。
更欲向人尋究竟。信知無雨是天晴。

爾時佛告諸菩薩。及一切大衆。諸善男子。汝等當信
解如來誠諦之語。復告大衆。汝等當信解如來誠諦
之語。又復告諸大衆。汝等當信解如來誠諦之語。

佛旨嚴諭為誠。象機領受為信。又不疑近成曰信。明了速本曰解。昔為七方便人。凡有所說。皆是隨他意語。今法華純圓開顯之教。示之以要。故言誠

是時菩薩大衆。彌勒為首。合掌白佛言。世尊。惟願說之。我等當信受佛語。如是三白已。復言。惟願說之。我等當信受佛語。爾時世尊。知諸菩薩三請不止。而告之言。汝等諦聽。如來秘密神通之力。一切世間天人。及阿修羅。皆謂今釋迦牟尼佛。出釋氏宮。去伽耶城不遠。坐於道場。阿得耨多羅三藐三菩提。然善男子。我實成佛已來。無量無邊百千萬億那由他劫。下明被挑遠迷。

辟如五百千萬億那由他阿僧祇。三千大千世界。假使有人。抹為微塵。過於東方五百千萬億那由他阿僧祇國。乃下一塵。如是東行盡是微塵。諸善男子。於意云何。是諸世界。可得思惟。校計知其數不。彌勒菩薩等。俱白佛言。世尊。是諸世界。無量無邊非筭數所知。亦非心力所及。一切聲聞辟支佛。以無漏智。不能思惟知其限數。我等住阿惟越致地。於是事中。亦所不達。世尊。如是諸世界。無量無邊。爾時佛告大菩薩衆。諸善男子。今當分明宣語。汝等是諸世界。若著微

塵。及不著者。盡以為塵。一塵一劫。我成佛已來。復過於此。百千萬億那由他阿僧祇劫。自從是來。我常在此娑婆世界。說法教化。亦於餘處。百千萬億那由他阿僧祇國。導利衆生。諸善男子。於是中間。我說然燈佛等。又復言其入於涅槃。如是皆以方便分別。

昔見諸教所說處處行因不同。即是疑因。又見處處得記不同。即是疑果。今拂除此疑。故指然燈佛時行因。即拂因疑。又指然燈佛時得記及入涅槃。即拂果疑。

諸善男子。若有衆生。來至我所。我以佛眼觀其信等。諸根利鈍。隨所應度。

至我所者。即是過去衆生。新頓兩機。冥扣法身也。佛眼觀者。即是久已成佛。用佛眼鑑照。無有遺差。信等諸根者。即信。進。念。定。慧。五根也。如來悉照十界善機。隨所應度。而現形聲。饒益。

處處自說名字不同。年紀大小。亦復現言當入涅槃。應以滅度而得度者。即現滅度。令其戀仰。而得解脫也。

又以種種方便說微妙法。能令衆生發歡喜心。雖初用漸。終令入大。故言能令歡喜。

諸善男子。如來見諸衆生。樂於小法。德薄垢重者。為人說。我少出家。得阿耨多羅三藐三菩提。然我實成佛已來久遠若斯。但以方便教化衆生。令入佛道。

作如是說。諸善男子。如來所演經典。皆為度脫衆生。或說已身。或說他身。或示已身。或示他身。或示已事。或示他事。諸所言說。皆實不虛。所以者何。如來如實知見三界之相。無有生。死。若退。若出。亦無在世。及滅度者。非實非虛。非如非異。六道衆生見三界為異。二乘見三界為如。不如三界見於三界。如斯之事。如來明見。無有錯謬。唯佛內具實智之用。故如實窮照三界之實。以諸衆生。有種種性。種種欲。種種行。種種憶想分別。故。諸衆生根機利鈍。漸頓不同。欲令增諸善根。故說已他之教。

欲令生諸善根。以若干因緣。譬喻言辭。種種說。法。所作佛事。未曾暫廢。此正對機施益。欲令漸頓之機。生種種善根。如是我成佛已來。甚大久遠。壽命無量。阿僧祇劫。常住不滅。諸善男子。我本行菩薩道。所成壽命。今猶未盡。復倍上數。然今非實滅度。而便唱言當取滅度。法身非滅。唱滅者。法本不生。故無可滅。報身非滅。唱滅者。誰有智慧。誰有煩惱。而言智慧能破。應身非滅。唱滅者。應是報之用。體既無滅。用豈有窮。如來以是方便。教化衆生。所以者何。若佛久住於世。薄德之人。不種善根。貧窮下賤。貪著五欲。入於億劫。

妄見網中。若見如來常在不滅。便起憍恣。而懷厭怠。不能生難遭之想。恭敬之心。

若見佛常在世。便起憍急。不能生恭敬。憍恣即增見惑。厭息即生思惑。不生難遭想。即不能生見諦解。故不能斷見。不恭敬。即不能生思惟道。故不能斷思。

是故如來以方便說。比丘當知。諸佛出世難可值遇。所以者何。諸薄德人。過無量百千萬億劫。或有見佛。或不見者。以此事故。我作是言。諸比丘。如來難可得見。斯衆生等。聞如是語。必當生於難遭之想。心懷戀慕。渴仰於佛。便種善根。是故如來雖不實滅。而言滅。

度。又善男子。諸佛如來。法皆如是。為度衆生。皆實不虛。譬如良醫。智慧聰達。明鍊方藥。善治衆病。

良醫。喻佛內有三達五眼。即是八術。妙得藥性。外識一切衆生起病之根源也。智慧者。權貴二智。深如二諦也。聰達者。五眼鑿機。頓漸不差也。十二部教。文理甚深。如明鍊方藥也。

其人多諸子息。若十。二十。乃至百數。以有事緣。遠至餘國。諸子於後。飲他毒藥。藥發悶亂。踈轉於地。是時其父。還來歸家。諸子飲毒。或失本心。或不失者。遙見其父。皆大歡喜。拜跪問訊。善安隱歸。我等愚癡。誤服毒藥。願見救療。更賜壽命。辭形益父。歸家者。辭佛復生此土也。信受邪師之

法華經疏解卷五
三六
泐。名爲欲毒。失心者。貪著三界五欲。失先所種三
乘善根也。

父見子等。苦惱如是。依諸經方。求好藥草。色香善味。皆悉具足。擣篩和合。與子令服。

色者。辭戒。戒防身口。事相彰顯。故如色。香者。辭定。功德妙香。熏一切也。味者。辭慧。能得理味也。

而作是言。此大良藥。色香美味。皆悉具足。汝等可服。速除苦惱。無復衆患。其諸子中。不失心者。見此良藥。色香俱好。即便服之。病盡除愈。餘失心者。見其父來。雖亦歡喜問訊。求索治病。然與其藥而不肯服。所以者何。毒氣深入。失本心故。於此好色香藥。而謂不美。

父作是念。此子可愍。爲毒所中。心皆顛倒。雖見我喜。求索救療。如是好藥。而不肯服。

此譬現滅之由。正由衆生薄德。見佛常住。但增憍恣而不修行。卽是不肯服藥也。見佛常住。但增憍

我今當設方便。令服此藥。辭上住世有損。現滅有益。當設方便。

卽作是言。汝等當知。我今衰老。死時已至。是好良藥。今留在此。汝可取服。勿憂不差。作是教已。復至他國。遣使還告。汝父已死。佛雖滅度。留經在世。是好良藥。復至他國者。卽是此方現滅。他

方現生也。遣使等者。諭留此泐。我今宣弘。汝當受

是時諸子。聞父背喪。心大憂惱。而作是念。若父在者。

慈愍我等。能見救護。今者捨我。遠喪他國。自惟孤露。無復恃怙。常懷悲感。心遂醒悟。乃知此藥。色香美味。即便服之。毒病皆愈。良由如來滅後。衆生醒悟。服藥修行。以作因緣。其父聞子。悉已得差。尋便來歸。咸使見之。

此辭未來益物。父聞子差。即成能感之機。咸使見之。是起未來之應。

諸善男子。於意云何。頗有人能說此良醫。虛妄罪不。不也。世尊。佛言我亦如是。成佛已來。無量無邊。百千萬億那由他阿僧祇劫。為衆生故。以方便力。言當滅度。亦無有能如法說我虛妄過者。爾時世尊。欲重宣

此義。而說偈言。

自我得佛來。所經諸劫數。無量百千萬。

億載阿僧祇。常說法教化。無數億衆生。

令入於佛道。爾來無量劫。為度衆生故。

方便現涅槃。而實不滅度。常住此說法。

我常住於此。以諸神通力。令顛倒衆生。

雖近而不見。衆見我滅度。廣供養舍利。

咸皆懷戀慕。而生渴仰心。衆生既信伏。

質直意柔軟。一心欲見佛。不自惜身命。

時我及衆僧。俱出靈鷲山。我時語衆生。
 常在此不滅。以方便力故。現有滅不滅。
 餘國有衆生。恭敬信樂者。我復於彼中。
 爲說無上法。汝等不聞此。但謂我滅度。
 我見諸衆生。沒在於苦惱。故不爲現身。
 令其生渴仰。因其心戀慕。乃出爲說法。
 神通力如是。於阿僧祇劫。常在靈鷲山。
 及餘諸住處。衆生見劫盡。大火所燒時。
 我此土安隱。天人常充滿。園林諸堂閣。

種種寶莊嚴。寶樹多華果。衆生所遊樂。
 諸天擊天鼓。常作衆伎樂。兩曼陀羅華。
 散佛及大衆。我淨土不毀。而衆見燒盡。
 憂怖諸苦惱。如是悉充滿。是諸罪衆生。
 以惡業因緣。過阿僧祇劫。不聞三寶名。
 諸有修功德。柔和質直者。則皆見我身。
 在此而說法。或時爲此衆。說佛壽無量。
 久乃見佛者。爲說佛難值。我智力如是。
 慧光照無量。壽命無數劫。久修業所得。

汝等有智者。勿於此生疑。當斷令永盡。
 佛語實不虛。如醫善方便。為治狂子故。
 實在而言死。無能說虛妄。我亦為世父。
 救諸苦患者。為凡夫顛倒。實在而言滅。
 以常見我故。而生憍恣心。放逸著五欲。
 墮於惡道中。我常知衆生。行道不行道。
 隨所應可度。為說種種法。每自作是念。
 以何令衆生。得入無上慧。速成就佛身。

○分別功德品第十七。

佛說壽量時。地涌過去弟子。靈山現在弟子。得種種益。故言功德。淺深不同。故言分別。此經一句信無疑。便是圓融法界時。萬種有為皆費力。吾心頓悟卽菩提。

爾時大會聞佛說壽命劫數長遠如是。無量無邊阿
 僧祇衆生。得大饒益。於是世尊告彌勒菩薩摩訶薩。
 阿逸多。我說是如來壽命長遠時。六百八十萬億那
 由他恒河沙衆生。得無生法忍。復有千倍菩薩摩訶
 薩。得聞持陀羅尼門。

一聞持陀羅尼。一切語言諸法。耳所聞者。皆不忘失。二分別知陀羅尼。三入音聲陀羅尼。

復有一世界微塵數菩薩摩訶薩。得樂說無礙辯才。

復有一世界微塵數菩薩摩訶薩。得百千萬億無量
 旋陀羅尼。復有三千大千世界微塵數菩薩摩訶薩。
 能轉不退法輪。復有二千中國土微塵數菩薩摩訶
 薩。能轉清淨法輪。復有小千國土微塵數菩薩摩訶
 薩。八生當得阿耨多羅三藐三菩提。復有四天下
 微塵數菩薩摩訶薩。四生當得阿耨多羅三藐三菩
 提。復有三四天下微塵數菩薩摩訶薩。三生當得阿
 耨多羅三藐三菩提。復有二四天下微塵數菩薩摩
 訶薩。二生當得阿耨多羅三藐三菩提。復有一四天

下微塵數菩薩摩訶薩。一生當得阿耨多羅三藐三
 菩提。一生。入等覺金剛心也。自初住等覺。位位各破
 一品無明。更破一品微細無明。入妙覺位。

復有八世界微塵數衆生。皆發阿耨多羅三藐三菩
 提心。佛說是諸菩薩摩訶薩。得大法利時。於虛空中。
 雨曼陀羅華。摩訶曼陀羅華。以散無量百千萬億寶
 樹下。師子座上。諸佛。并散七寶塔中。師子座上。釋迦
 牟尼佛。及久滅度多寶如來。亦散一切諸大菩薩。及
 八部衆。及雨細栴檀沉水香等。於虛空中。天鼓自
 鳴。妙聲深遠。又雨千種天衣。垂諸瓔珞。真珠瓔珞。摩

尼珠瓔珞。如意珠瓔珞。徧於九方。衆寶香鑪。燒無價香。自然周至。供養大會。一一佛上。有諸菩薩。執持幢蓋。次第而上。至於梵天。是諸菩薩。以妙音聲。歌無量頌讚歎諸佛。時衆聞深遠。法得大饒益。欲報佛恩。而爾時彌勒菩薩。從座而起。徧袒右肩。合掌向佛。而說偈言。

佛說希有法。昔所未曾聞。世尊有大力。壽命不可量。無數諸佛子。聞世尊分別。說得法利者。歡喜充徧身。或住不退地。

或得陀羅尼。或無礙樂說。萬億旋總持。或有大千界。微塵數菩薩。各各皆能轉。不退之法輪。復有中千界。微塵數菩薩。各各皆能轉。清淨之法輪。復有小千界。微塵數菩薩。餘各八生在。當得成佛道。復有四三二。如在四天下。微塵諸菩薩。隨數生成佛。或一四天下。微塵數菩薩。餘有一生在。當成一切智。如是等衆生。聞佛壽長遠。得無量無漏。清淨之果報。

法華經疏卷第五

復有八世界。微塵數衆生。聞佛說壽命。

皆發無上心。世尊說無量。不可思議法。

多有所饒益。如虛空無邊。

隨數生成佛者。頌四天下微塵數菩薩。得菩提也。成一切智者。等覺一生之後。成妙覺果。佛之智也。得無漏清淨果報者。棟異二乘。有量故言無量。妙因所感。故言清淨。無障礙上。故言果報。

雨天曼陀羅。摩訶曼陀羅。釋梵如恒沙。

無數佛土來。兩栴檀沉水。續紛而亂墜。

如鳥飛空下。供養於諸佛。天鼓虛空中。

自然出妙聲。天衣千萬種。旋轉而來下。

衆寶妙香鑪。燒無價之香。自然卷周徧。

供養諸世尊。其大菩薩衆。執七寶幡蓋。

高妙萬億種。次第至梵天。一一諸佛前。

寶幢懸勝幡。亦以千萬偈。歌詠諸如來。

如是種種事。昔所未曾有。聞佛壽無量。

一切皆歡喜。佛名聞十方。廣饒益衆生。

一切具善根。以助無上心。

爾時佛告彌勒菩薩摩訶薩。阿逸多。其有衆生聞佛

壽命長遠如是。乃至能生一念信解。

是明現在四信。四信者。一一念信。解未能演說。二畧解言。德。三廣為他讚。四深信觀成。

所得功德。無有限量。若有善男子。善女人。為阿耨多羅三藐三菩提故。於八十萬億那由他劫。行五波羅蜜。檀波羅蜜。尸羅波羅蜜。羼提波羅蜜。毘梨耶波羅蜜。禪波羅蜜。除般若波羅蜜。般若即是今校量五度之正慧。故言除般若也。以是功德。比前功德。百分千分。百千萬億分。不及其一。乃至算數譬喻所不能知。若善男子。善女人。有如是功德。於阿耨多羅三藐三菩提退者。無有是處。

圖教十信。初心。聞壽量功德。自外而資。圓順信解。自內而重。所以不退。尸羅戒。羼提。忍辱。毘梨精進。

爾時世尊欲重宣此義。而說偈言。

若人求佛慧。於八十萬億。那由他劫數。

行五波羅密。於是諸劫中。布施供養佛。

及緣覺弟子。并諸菩薩眾。珍異之飲食。

上服與臥具。梅檀立精舍。以園林莊嚴。

如是等布施。種種皆微妙。盡此諸劫數。

以迴向佛道。若復持禁戒。清淨無缺漏。

求於無上道。諸佛之所歎。若復行忍辱。

住於調柔地。設眾惡來加。其心不傾動。

諸有得法者。懷於增上慢。爲斯所輕惱。
如是亦能忍。若復勤精進。志念常堅固。
於無量億劫。一心不懈息。又於無數劫。
住於空閒處。若坐若經行。除睡常攝心。
以是因緣故。能生諸禪定。八十億萬劫。
安住心不亂。持此一心福。願求無上道。
我得一切智。盡諸禪定際。是人於百千。
萬億劫數中。行此諸功德。如上之所說。
有善男女等。聞我說壽命。乃至一念信。

其福過於彼。若人悉無有。一切諸疑悔。
深心須臾信。其福爲如此。其有諸菩薩。
無量劫行道。聞我說壽命。是則能信受。
如是諸人等。頂受此經典。願我於未來。
長壽度衆生。如今日世尊。諸釋中之王。
道場師子吼。說法無所畏。我等未來世。
一切所尊敬。坐於道場時。說壽亦如是。
若有深心者。清淨而質直。多聞能總持。
隨義解佛語。如是之人等。於此無有疑。

無量劫行道者。久修諸度也。願我於未來等者。起慈悲願也。既聞長壽。又聞此經。信解功也。

又阿逸多。若有聞佛壽命長遠。解其言趣。是人所得功德。無有限量。能起如來無上之慧。此是第二信。畧解言趣。

何況廣聞是經。若教人聞。若自持。若教人持。若自書。

若教人書。若以華香瓔珞幢幡繒蓋香油蘇燈供養

經卷。是人功德無量無邊。能生一切種智。此第三信。廣為他說。

阿逸多。若善男子。善女人。聞我說壽命長遠。深心信

解。則為見佛。常在耆闍崛山。共大菩薩。諸聲聞眾。圍

遶說法。又見此娑婆世界。其地琉璃。坦然平正。閻浮

檀金。以界八道。寶樹行列。諸臺樓觀。皆悉寶成。其苦

薩眾咸處其中。若有能如是觀者。當知是為深信解

相。此是第四信。深信觀成。謂具上三信。加修觀行。入禪用慧。

又復如來滅後。若聞是經。而不毀訾。起隨喜心。當知

已為深信解相。明如來滅後五品。一隨喜。二自受持。三勸受持。四兼行六度。五正行六度。

何況讀誦受持之者。斯人則為頂戴如來。阿逸多。是

善男子。善女人。不須為我復起塔寺。及作僧坊。以四

事供養眾僧。所以者何。是善男子。善女人。受持讀誦

是經典者。為已起塔。造立僧坊。供養眾僧。則為以佛

舍利。起七寶塔。高廣漸小。至於梵天。懸諸幡蓋。及衆寶鈴。華香瓔珞。抹香塗香。燒香。衆鼓伎樂。簫笛箏篪。種種舞戲。以妙音聲。歌唄讚頌。則爲於無量千萬億劫。作是供養已。

此格量第二品功德。慮恐初心之人。世緣紛動。妨修正業。但專頌持此經。則爲頂戴如來。供養衆僧。

阿逸多。若我滅後。聞是經典。有能受持。若自書。若教人書。上但自誦持。今復能教也。

則爲起立僧坊。以赤梅檀。作諸殿堂。三十有二。高八多羅樹。高廣嚴好。百千比丘。於其中止。園林浴池。經

行禪窟。衣服飲食。牀褥湯藥。一切樂具。充滿其中。如是僧坊堂閣。若干百千萬億。其數無量。以此現前供養於我。及比丘僧。是故我說。如來滅後。若有受持。讀誦。爲他人說。若自書。若教人書。供養經卷。不須復起塔寺。及造僧坊。供養衆僧。此格量第三品功德。多羅形如樓欄。果熟赤色。況復有人。能持是經。兼行布施。持戒。忍辱。精進。一心智慧。物品至此。理觀若。焚。涉。外不妨內。事資於道。如順流揚帆。其德最勝。無量無邊。譬如虛空。東南西北。四維上下。無量無邊。是人功德。亦復如是。無量無邊。疾至一切。

種智。此格量第四品功德也。

若人讀誦受持是經。為他人說。若自書。若教人書。復能起塔。及造僧坊。供養讚歎。聲聞眾僧。亦以百千萬億讚歎之法。讚歎菩薩功德。又為他人種種因緣。隨義解說。此法華經。復能清淨持戒。與柔和者而共同止。忍辱無嗔。志念堅固。常貴坐禪。得諸深定。精進勇猛。揖諸善法。利根智慧。善答問難。

至第五品圓觀稍變。理事欲融。涉事不妨理。在理不隔事。故具行六度。

阿逸多。若我滅後。諸善男子。善女人。受持讀誦是經。

典者。復有如是諸善功德。當知是人。已趣道場。近阿耨多羅三藐三菩提。坐道樹下。阿逸多。是善男子。善女人。若坐若立。若行處。此中便應起塔。一切天人皆應供養。如佛之塔。此格量第五品功德也。爾時世尊。欲重宣此義。而說偈言。

若我滅度後。能奉持此經。斯人福無量。
如上之所說。是則為具足。一切諸供養。
以舍利起塔。七寶而莊嚴。表刹甚高廣。
漸小至梵天。寶鈴千萬億。風動出妙音。

又於無量劫 而供養此塔 華香諸瓔珞

天衣衆伎樂 然香油蘇燈 周市常照明

惡世法末時 能持是經者 則爲已如上

具足諸供養 若能持此經 則如佛現在

以牛頭栴檀 起僧坊供養 堂有三十二

高八多羅樹 上饌妙衣服 床臥皆具足

百千衆住處 園林諸浴池 經行及禪窟

種種皆嚴好摩羅耶山出栴檀香名曰牛頭若以塗身散入火坑火不能燒

右有信解心 受持讀誦書 若復教人書

及供養經卷 散華香末香 以須曼薝蔔

阿提目多伽 熏油常然之 如是供養者

得無量功德 如虛空無邊 其福亦如是

况復持此經 兼布施持戒 忍辱樂禪定

不瞋不惡口須曼此云善梅意其華色黃白而極香薝蔔亦云黃華小而香阿提香草

恭敬於塔廟 謙下諸比丘 遠離自高心

常思惟智慧 有問難不瞋 隨順爲解說

若能行是行 功德不可量 若見此法師

成就如是德 應以天華散 天衣覆其身

頭面接足禮。生心如佛想。又應作是念。
 不久詣道樹。得無漏無爲。廣利諸人天。
 其所住止處。經行若坐臥。乃至說一偈。
 是中應起塔。莊嚴令妙好。種種以供養。
 佛子住此地。則是佛受用。常在於其中。
 經行及坐臥。

妙法蓮華經卓解卷第五

妙法蓮華經卓解卷第六

姚秦三藏法師鳩摩羅什 原譯

武原無依道人徐昌治親周氏逗註

○隨喜功德品第十八 隨喜者隨順事理無二無別。喜是慶已慶人極讚聞此妙。

經功德無有涯際故以展教第五十人隨喜功德以讚之。

一條大道本無迂自是當人識見遲。今日若能真領悟目前何法不如如。

爾時彌勒菩薩摩訶薩白佛言世尊若有善男子善
 女人聞是法華經隨喜者得幾所福而說偈言。

世尊滅度後。其有聞是經。若能隨喜者。

爲得幾所福。

爾時佛告彌勒菩薩摩訶薩。阿逸多。如來滅後。若比丘比丘尼優婆塞優婆夷。及餘智者。若長若幼。聞是經隨喜已。從泐會出。至於餘處。若在僧坊。若空閑地。若城邑巷陌。聚落田里。如其所聞。爲父母宗親善友。知識。隨力演說。是諸人等。聞已隨喜。復行轉教。餘人聞已。亦隨喜轉教。如是展轉。至第五十。阿逸多。其第五十善男子。善女人。隨喜功德。我今說之。汝當善聽。若四百萬億阿僧祇世界。六趣四生。衆生。卵生。胎生。

濕生。化生。若有形無形。有想無想。非有想非無想。無足二足。四足多足。如是等在衆生數者。有人求福。隨其所欲娛樂之具。皆給與之。一一衆生。與滿闍浮提。金銀琉璃碑礪碼瑙珊瑚琥珀諸妙珍寶。及象馬車乘七寶所成宮殿樓閣等。是大施主。如是布施。滿八十年已。而作是念。我已施衆生娛樂之具。隨意所欲。然此衆生。皆已衰老。年過八十。髮白面皺。將死不久。我當以佛泐而訓導之。卽集此衆生。宣布泐化。示教利喜。一時皆得須陀洹道。斯陀含道。阿那含道。阿羅

漢道。盡諸有漏。於深禪定。皆得自在。具八解脫。

六趣即六道。四生即胎卵濕化。須陀洹入聖流。斯陀舍來欲界一度受生。阿那舍不來受生。

於汝意云何。是大施主。所得功德。寧為多不。彌勒白。佛言世尊。是人功德甚多。無量無邊。若是施主。但施衆生一切樂具。功德無量。何況令得阿羅漢果。佛告彌勒。我今分明語汝。是人以一切樂具。施於四百萬億阿僧祇世界六趣衆生。又令得阿羅漢果。所得功德。不如是第五十人聞法華經一偈。隨喜功德。百分千分。百千萬億分。不及其一。乃至算數譬喻所不能

知。阿逸多。如是第五十人。展轉聞法華經。隨喜功德。尚無量無邊。阿僧祇。何況最初於會中。聞而隨喜者。其福復勝。無量無邊。阿僧祇不可得比。

格量中。先與世樂。拔果苦。後與涅槃。拔生老苦。此是畧舉梵福而為校量。

又阿逸多。若人為是經故。往詣僧坊。若坐若立。須臾聽受。緣是功德。轉身所生。得好上妙象馬車乘。珍寶輦輿。及乘天宮。若復有人。於講法處坐。更有人來。勸令坐聽。若分座令坐。是人功德。轉身得帝釋坐處。若梵王坐處。若轉輪聖王所坐之處。阿逸多。若復有人。

語餘人言。有經名法華。可共往聽。卽受其教。乃至須
史間聞。是人功德。轉身得與陀羅尼菩薩。共生一處。
利根智慧。百千萬世。終不瘖啞。口氣不臭。舌常無病。
口亦無病。齒不垢黑。不黃不踈。亦不缺落。不差不曲。
脣不下垂。亦不褰縮。不麓澁。不瘡胗。亦不缺壞。亦不
曷斜。不厚不大。亦不鰲黑。無諸可惡。鼻不匾。亦不
曲戾。面色不黑。亦不狹長。亦不窵曲。無有一切不可
喜相。脣舌牙齒。悉皆嚴好。鼻修高直。面貌圓滿。眉高
而長。額廣平正。人相具足。世世所生。見佛聞法。信受

教誨。

此六根功德。利根智慧。是意功德。不瘖啞。是舌
耳功德。餘是身功德。形。口瘡也。曷。口戾也。匾。薄

阿逸多。汝且觀是勸。於一人令往聽法。功德如此。何
况一心聽說讀誦。而於大衆爲人分別。如說修行。爾
時世尊。欲重宣此義。而說偈言。

若人於法會。得聞是經典。乃至於一偈。
隨喜爲他說。如是展轉教。至於第五十。
最後人獲福。今當分別之。如有大施主。
供給無量衆。具滿八十歲。隨意之所欲。

見彼衰老相。髮白而面皺。齒踈形枯竭。念其死不久。我今應當教。令得於道果。卽爲方便說。涅槃真實法。世皆不堅固。如水沫泡醖。汝等咸應當。疾生厭離心。諸人聞是法。皆得阿羅漢。具足六神通。三明八解脱。最後第五十。聞一偈隨喜。是人福勝彼。不可爲譬喻。如是展轉聞。其福尚無量。何況於法會。初聞隨喜者。若有勸一人。將引聽法華。言此經深妙。

千萬劫難遇。卽受教往聽。乃至須臾聞。斯人之福報。今當分別說。世世無口患。齒不踈黃黑。脣不厚褰缺。無有可惡相。舌不乾黑短。鼻高修且直。額廣而平正。面目悉端嚴。爲人所喜見。口氣無臭穢。優鉢華之香。常從其口出。若故詣僧坊。欲聽法華經。須臾聞歡喜。今當說其福。後生天人中。得妙象馬車。珍寶之輦輿。及乘天宮殿。若於講法處。勸人坐聽經。

是福因緣得。釋梵轉輪座。何況一心聽。

解說其義趣。如說而修行。其福不可限。

○法師功德品第十九。法師功德。謂五品之上。六根清淨之功德。卽十信相似位。

自家心信自家知。何必如來着力提。着力既提。提醒後。大千何處不光輝。

爾時佛告常精進菩薩摩訶薩。若善男子。善女人。受持是法華經。若讀若誦。若解說。若書寫。是人當得八百眼功德。千二百耳功德。八百鼻功德。千二百舌功德。八百身功德。千二百意功德。以是功德。莊嚴六根。皆令清淨。色淨。故般若淨。故五根淨。故意根淨。

是善男子。善女人。父母所生清淨肉眼。見於三千大千世界。內外所有山林河海。下至阿鼻地獄。上至有頂。亦見其中一切衆生。及業因緣果報生處。悉見悉知。爾時世尊。欲重宣此義。而說偈言。

若於大衆中。以無所畏心。說是法華經。

汝聽其功德。是人得八百功德殊勝眼。

以是莊嚴故。其目甚清淨。父母所生眼。

悉見三千界。內外彌樓山。須彌及鐵圍。

并諸餘山林。大海江河水。下至阿鼻獄。

上至有頂處。其中諸衆生。一切皆悉見。

雖未得天眼。肉眼力如是。見父母所生名肉眼。能見大千世界內外。應

是天眼。梵王報得天眼。在已界。徧見大千。大千外。猶名肉眼。與眼作障。不能見外。今能見大小內外。猶名肉眼。具五眼用。因經之力。有勝根用。雖稱肉眼。具五眼用。

復次常精進。若善男子。善女人。受持此經。若讀若誦。若解說。若書寫。得千二百耳功德。以是清淨耳。聞三千大千世界。下至阿鼻地獄。上至有頂。其中內外種種語言音聲。象聲。馬聲。牛聲。車聲。啼哭聲。愁嘆聲。螺聲。鼓聲。鍾聲。鈴聲。笑聲。語聲。男聲。女聲。童子聲。童子

聲。泐聲。非泐聲。苦聲。樂聲。凡夫聲。聖人聲。喜聲。不喜聲。天聲。龍聲。夜叉聲。乾闥婆聲。阿修羅聲。迦樓羅聲。緊那羅聲。摩睺羅伽聲。火聲。水聲。風聲。地獄聲。畜生聲。餓鬼聲。比丘聲。比丘尼聲。聲聞聲。辟支佛聲。菩薩聲。佛聲。以要言之。三千大千世界中。一切內外所有諸聲。雖未得天耳。以父母所生清淨常耳。皆悉聞知。如是分別種種音聲。而不壞耳根。爾時世尊。欲重宣此義。而說偈言。

父母所生耳。清淨無濁穢。以此常耳聞。

三千世界聲。象馬車牛聲。鍾鈴螺鼓聲。

琴瑟篳篥聲。簫笛之音聲。清淨好歌聲。

聽之而不著。無數種人聲。聞悉能解了。

又聞諸天聲。微妙之歌音。及聞男女聲。

童子童女聲。山川險谷中。迦陵頻伽聲。

命命等諸鳥。悉聞其音聲。地獄眾苦痛。

種種楚毒聲。餓鬼飢渴逼。求索飲食聲。

諸阿修羅等。居在大海邊。自共言語時。

出於大音聲。如是說泐者。安住於此間。

遙聞是眾聲。而不壞耳根。十方世界中。

禽獸鳴相呼。其說泐之人。於此悉聞之。

其諸梵天上。光音及徧淨。乃至有頂天。

言語之音聲。泐師住於此。悉皆得聞之。

一切比丘眾。及諸比丘尼。若讀誦經典。

若為他人說。泐師住於此。悉皆得聞之。

復有諸菩薩。讀誦於經泐。若為他人說。

撰集解其義。如是諸音聲。悉皆得聞之。

諸佛大聖尊。教化眾生者。於諸大會中。

演說微妙法。持此法華者。悉皆得聞之。

三千大千界。內外諸音聲。下至阿鼻獄。

上至有頂天。皆聞其音聲。而不壞耳根。

其耳聰利故。悉皆分別知。持是法華者。

雖未得天耳。但用所生耳。功德已如是。

耳根亦具五耳之用。故能徧聞大千內外。十法界音聲也。

復次常精進。若善男子。善女人。受持是經。若讀。若誦。若解說。若書寫。成就八百鼻功德。以是清淨鼻根。聞於三千大千世界。上下內外。種種諸香。須曼那華香。

闍提華香。末利華香。薝蔔華香。波羅羅華香。赤蓮華香。青蓮華香。白蓮華香。華樹香。果樹香。旃檀香。沉水香。多摩羅拔香。多伽羅香。及千萬種和香。若抹若丸。若塗香。持是經者。於此間住。悉能分別。又復別知衆生之香。象香。馬香。牛羊等香。男香。女香。童子香。童女香。及草木叢林香。若近若遠。所有諸香。悉皆得聞。分別不錯。持是經者。雖住於此。亦聞天上諸天之香。波利質多羅。拘鞞陀羅樹香。及曼陀羅華香。摩訶曼陀羅華香。曼殊沙華香。摩訶曼殊沙華香。旃檀沉水種。

種抹香。諸雜華香。如是等天香。和合所出之香。無不
聞知。又聞諸天身香。釋提桓因。在勝殿上。五欲娛樂
嬉戲時香。若在妙法堂上。為忉利諸天說法時香。若
於諸園遊戲時香。及餘天等男女身香。皆悉遙聞。如
是展轉乃至梵世上。至有頂諸天身香。亦皆聞之。并
聞諸天所燒之香。及聲聞香。辟支佛香。菩薩香。諸佛
身香。亦皆遙聞。知其所在。雖聞此香。然於鼻根。不壞
不錯。若欲分別。為他人說。憶念不謬。爾時世尊。欲重
宣此義。而說偈言。

是人鼻清淨。於此世界中。若香若臭物。
種種悉聞知。須曼那闍提。多摩羅梅檀
沉水及桂香。種種華果香。及知衆生香。
男子女人香。說泐者遠住。聞香知所在。
大勢轉輪王。小轉輪及子。群臣諸宮人。
聞香知所在。身所著珍寶。及地中寶藏。
轉輪王寶女。聞香知所在。諸人嚴身具。
衣服及瓔珞。種種所塗香。聞香知其身。
諸天若行坐。遊戲及神變。持是法華者。

聞香悉能知。	諸樹華果實	及酥油香氣。
持經者住此。	悉知其所在。	諸山深險處。
栴檀樹華敷。	衆生在中者。	聞香悉能知。
鐵圍山大海。	地中諸衆生。	持經者聞香。
悉知其所在。	阿修羅男女。	及其諸眷屬。
鬪諍遊戲時。	聞香皆能知。	曠野險隘處。
師子象虎狼。	野牛水牛等。	聞香知所在。
若有懷妊者。	未辨其男女。	無根及非人。
聞香悉能知。	以聞香力故。	知其初懷妊。

成就不成就。	安樂產福子。	以聞香力故。
知男女所念。	染欲癡恚心。	亦知修善者。
地中衆伏藏。	金銀諸珍寶。	銅器之所盛。
聞香悉能知。	種種諸瓔珞。	無能識其價。
聞香知貴賤。	出處及所在。	天上諸華等。
曼陀曼殊沙。	波利質多樹。	聞香悉能知。
天上諸宮殿。	上中下差別。	衆寶華莊嚴。
聞香悉能知。	天園林勝殿。	諸觀妙法堂。
在所而娛樂。	聞香悉能知。	諸天若聽法。

或受五欲時。來往行坐臥。聞香悉能知。
 天女所著衣。好華香莊嚴。周旋遊戲時。
 聞香悉能知。如是展轉上。乃至於梵世。
 入禪出禪者。聞香悉能知。光音徧淨天。
 乃至於有頂。初生及退沒。聞香悉能知。
 諸比丘衆生。於法常精進。若坐若經行。
 及讀誦經典。或在林樹下。專精而坐禪。
 持經者聞香。悉知其所在。菩薩志堅固。
 坐禪若讀誦。或為人說法。聞香悉能知。

在在方世尊。一切所供敬。愍衆而說法。
 聞香悉能知。衆生在佛前。聞經皆歡喜。
 如法而修行。聞香悉能知。雖未得菩薩。
 無漏法生鼻。而是持經者。先得此鼻相。
 復次常精進。若善男子善女人。受持是經。若讀若誦。
 若解說。若書寫。得千二百舌功德。若好若醜。若美不
 美。及諸苦澁物。在其舌根。皆變成上味。如天甘露。無
 不美者。若以舌根於大衆中。有所演說。出深妙聲。能
 入其心。皆令歡喜快樂。又諸天子天女。釋梵諸天。聞

是深妙音聲。有所演說。言論次第。皆悉來聽。及諸龍女。夜叉。夜叉女。乾闥婆。乾闥婆女。阿修羅。阿修羅女。迦樓羅。迦樓羅女。緊那羅。緊那羅女。摩睺羅伽。摩睺羅伽女。爲聽法故。皆來親近。恭敬供養。及比丘。比丘尼。優婆塞。優婆夷。國王。王子。群臣眷屬。小轉輪王大轉輪王。七寶天子。內外眷屬。乘其宮殿。俱來聽法。以是菩薩。善說法故。婆羅門居士。國內人民。盡其形壽。隨侍供養。又諸聲聞。辟支佛。菩薩。諸佛。常樂見之。是人所在方面。諸佛皆向其處說法。悉能受持一切。

佛法。又能出於深妙法音。鼻舌相俱具五鼻舌之用。爾時世尊。欲重宣此義。而說偈言。

是人舌根淨。終不受惡味。其有所食噉。
悉皆成甘露。以深淨妙聲。於大眾說法。
以諸因緣喻。引導衆生心。聞者皆歡喜。
設諸上供養。諸天龍夜叉。及阿修羅等。
皆以恭敬心。而共來聽法。是說法之人。
若欲以妙音。徧滿三千界。隨意卽能至。
大小轉輪王。及千子眷屬。合掌恭敬心。

常來聽受法。諸天龍夜叉。羅刹毘舍闍。

亦以歡喜心。常樂來供養。梵天王魔王。

自在大自在。如是諸天衆。常來至其所。

諸佛及弟子。聞其說法音。常念而守護。

或時爲現身。自在。即他化自在天。居欲界頂。乃魔王也。大自在。即魔醯首羅色界頂天。

復次常精進。若善男子。善女人。受持是經。若讀若誦。

若解說。若書寫。得八百身功德。得清淨身。如淨琉璃。

衆生喜見。其身淨故。三千大千世界衆生。生時死時。

上下好醜。生善處惡處。悉於中現。及鐵圍山。大鐵圍

山。彌樓山。摩訶彌樓山等諸山。及其中衆生。悉於中

現。下至阿鼻地獄。上至有頂。所有及衆生。悉於中現。

若聲聞。辟支佛。菩薩。諸佛說法。皆於身中。現其色像。

身根。共五身之用。一時圓現。時互用。一時無現。一時無著。

爾時世尊。欲重宣此義。而說偈言。

若持法華者。其身甚清淨。如彼淨琉璃。

衆生皆喜見。又如淨明鏡。悉見諸色像。

菩薩於淨身。皆見世所有。唯獨自明了。

餘人所不見。三千世界中。一切諸群萌。

天人阿修羅。地獄鬼畜生。如是諸色像。
 皆於身中現。諸天等宮殿。乃至於有頂。
 鐵圍及彌樓。摩訶彌樓山。諸大海水等。
 皆於身中現。諸佛及聲聞。佛子菩薩等。
 若獨若在衆。說泐悉皆現。雖未得無漏。
 泐性之妙身。以清淨常體。一切於中現。
 復次常精進。若善男子善女人。如來滅後。受持是經。
 若讀若誦。若解說。若書寫。得于二百意功德。以是清
 淨意根。乃至聞一偈一句。通達無量無邊之義。解是

義已。能演說一句一偈。至於一月四月。乃至一歲。諸
 所說泐。隨其義趣。皆與實相不相違背。若說俗間經
 書。治世語言。資生業等。皆順正泐。三千大千世界六
 趣衆生。心之所行。心所動作。心所戲論。皆悉知之。雖
 未得無漏智慧。而其意根清淨如此。是人有所思惟。
 籌量言說。皆是佛泐。無不真實。亦是先佛經中所說。
 意根。亦具五意之用。十二月。即十二因緣。一月即
 爾時世尊。欲重宣此義。而說偈言。
 是人意清淨。明利無濁穢。以此妙意根。

知上中下泐。乃至聞一偈。通達無量義。
 次第如泐說。月四月至歲。是世界內外。
 一切諸衆生。若天龍及人。夜叉鬼神等。
 其在六趣中。所念若干種。持泐華之報。
 一時皆悉知。十方無數佛。百福莊嚴相。
 爲衆生說泐。悉聞能受持。思惟無量義。
 說泐亦無量。終始不怠錯。以持泐華故。
 悉知諸泐相。隨義識次第。達名字語言。
 如所知演說。此人有所說。皆是先佛泐。

以演此泐故。於中無所畏。持泐華經者。
 意根淨若斯。雖未得無漏。先有如是相。
 是人持此經。安住希有地。爲一切衆生。
 歡喜而愛敬。能以千萬種。善巧之語言。
 分別而說泐。持泐華經故。

彌樓云光。卽七金山之一。迦陵頻伽。好音鳥。命。共命鳥。闍提。金錢。未利。云奈。波羅羅。熏華。多。摩羅。跋。云賢無垢。多伽羅。木香。拘。鞠。陀。羅。大遊。戲地。樹。波利質多羅。帝。釋殿前樹。

○常不輕菩薩品第二十

內懷不輕之觸。外敬不輕之境。身立不輕之行。口宣不輕之教。人作不輕之目。

精持頓悟六根通。普利群機妙行功。佛性適資無智內。緣因廣記有心中。

爾時佛告得大勢菩薩摩訶薩。汝今當知。若比丘。比丘尼。優婆塞。優婆夷。持法華經者。若有惡口罵詈誹謗。獲大罪報。如前所說。其所得功德。如向所說。眼耳鼻舌身意清淨。得大勢。乃往昔過無量無邊不可思議阿僧祇劫。有佛名威音王。如來應供。正徧知。明行足。善逝。世間解。無上士。調御丈夫。天人師。佛。世尊。劫名離衰。國名大成。其威音王佛。於彼世中。爲天人阿修羅說法。爲求聲聞者說。應四諦法。度生老病死。

究竟涅槃。爲求辟支佛者說。應十二因緣法。爲諸菩薩。因阿耨多羅三藐三菩提。說應六波羅蜜法。究竟佛慧。得大勢。是威音王佛。壽四十萬億那由他恒河沙劫。正法住世。劫數如一閻浮提微塵。像法住世。劫數如四天下微塵。其佛饒益衆生已。然後滅度。正法像法滅盡之後。於此國土。復有佛出。亦號威音王。如來應供。正徧知。明行足。善逝。世間解。無上士。調御丈夫。天人師。佛。世尊。如是次第有二萬億佛。皆同一號。最初威音王如來。既已滅度。正法滅後。於像法中。增

法華經疏卷六
十一
上慢比丘。有大勢力。爾時有一菩薩比丘。名常不輕。得大勢。以何因緣。名常不輕。是比丘。凡有所見。若比丘。比丘尼。優婆塞。優婆夷。皆悉禮拜讚歎。而作是言。我深敬汝等。不敢輕慢。所以者何。汝等皆行菩薩道。當得作佛。而是比丘。不專讀誦經典。但行禮拜。乃至遠見四衆。亦復故往禮拜讚歎。而作是言。我不敢輕於汝等。汝等皆當作佛。四衆之中。有生瞋恚心不淨者。惡口罵詈。言是無智比丘。從何所來。自言我不輕汝。而與我等授記。當得作佛。我等不用如是虛妄授

記。如此經歷多年。常被罵詈。不生瞋恚。常作是言。汝當作佛。說是語時。衆人或以杖水瓦石而打擲之。避走遠住。猶高聲唱言。我不敢輕於汝等。汝等皆當作佛。以其常作是語故。增上慢比丘。比丘尼。優婆塞。優婆夷。號之爲常不輕。是比丘臨欲終時。於虛空中。具聞威音王佛。先所說法華經。二十千萬億偈。悉能受持。卽得如上眼根清淨。耳鼻舌身。意根清淨。得是六根清淨已。更增壽命二百萬億那由他歲。廣爲人說是法華經。於時增上慢四衆。比丘。比丘尼。優婆塞。優

婆夷輕賤是人。爲作不輕名者。見其得大神通力。樂說辯力。大善寂力。聞其所說。皆信伏隨。從是菩薩。復化千萬億衆。令住阿耨多羅三藐三菩提。命終之後。得值二千億佛。皆號日月燈明。於其法中。說是法華經。以是因緣。復值二千億佛。同號雲自在燈王。於此諸佛法中。受持讀誦。爲諸四衆說此經典故。得是常眼清淨。耳鼻舌身意諸根清淨。於四衆中說法。心無所畏。得大勢。是常不輕菩薩摩訶薩。供養如是若干諸佛恭敬尊重讚歎。種諸善根。於後復值千萬億佛。

亦於諸佛法中。說是經典。功德成就。當得作佛。

是比丘。是

菩薩。皆指不輕。演唱能行此妙經之妙行。心同虛空界。示等虛空法。証得虛空時。無是非非法。

得大勢。於意云何。爾時常不輕菩薩。豈異人乎。則我身是。若我於宿世不受持讀誦此經。爲他人說者。不能疾得阿耨多羅三藐三菩提。我於先佛所受持讀誦此經。爲人說故。疾得阿耨多羅三藐三菩提。得大勢。彼時四衆。比丘比丘尼。優婆塞。優婆夷。以瞋恚意輕賤我故。二百億劫。常不值佛。不聞法。不見僧。千劫於阿鼻地獄受大苦惱。畢是罪已。復遇常不輕菩薩。

教化阿耨多羅三藐三菩提。得大勢於汝意云何。爾時四眾常輕是菩薩者。豈異人乎。今此會中。跋陀婆羅等五百菩薩。師子月等五百比丘尼。思佛等五百優婆塞。皆於阿耨多羅三藐三菩提。不退轉者是。

跋陀婆羅。翻為善守。若眾生聞名。畢竟得三菩提。故云善守。或云賢首。住居等覺。

爾時世尊欲重宣此義而說偈言。

過忒有佛號威音王。神智無量將導一切天人龍神所共供養。是佛滅後。汝欲盡時。有一菩薩。名常不輕。時諸四眾。計著於汝。

著法者。是法不可示。若定謂是有。即名著法。乃至定謂是非。非無亦名著法。

不輕菩薩。徃到其所。而語之言。我不輕汝。汝等行道。皆當作佛。諸人聞已。輕毀罵詈。不輕菩薩能忍受之。其罪畢已。臨命終時。得聞此經。六根清淨。神通力故。增益壽命。復為諸人廣說是經。諸著法眾。皆蒙菩薩教化成就。令住佛道。不輕命終。值無數佛。說是經故。得無量福。漸具功德。疾成佛道。彼時不輕。則我身是。時四部眾著法之者。聞不輕言。汝當作佛。以是因緣。值無數佛。此會菩薩。五百之眾。

并及四衆清信士女。今於我前聽法者是。我於前世勸是諸人聽受斯經。第一之法。開示教人。令住涅槃。世世受持。如是經典。億億萬劫。至不可議。時乃得聞是法華經。億億萬劫。至不可議。諸佛世尊。時說是經。是故行者於佛滅後。聞如是經。勿生疑惑。應當一心廣說是經。世世值佛。疾成佛道。

如來神力品第二十一

用。神力者。神明不測。力名。幹

前明隨喜一句。功超二乘。讚誦受持。六根清淨。未審曾有何人得如是。故引常不輕為証。以我深敬汝等。不敢輕慢汝等。皆行菩薩道。當得作

用。則轉變之力大。此中為付囑深法。現十種大用。故名神力品。

一運水搬柴。一妙神。自家不悟。可憐人。一朝頓悟。從今後。土塊泥團。即法身。

爾時于世界微塵等菩薩摩訶薩。從地涌出者。皆於佛前。一心合掌。瞻仰尊顏。而白佛言。世尊。我等於佛滅後。世尊分身所在國土。滅度之處。當廣說此經。所以者何。我等亦自欲得是真淨大法。受持讀誦。解說書寫。而供養之。非但奉命。蓋他亦自願得此真淨大爾時世尊。於文殊師利等無量百千萬億。舊住娑婆世界。菩薩摩訶薩。及諸比丘。比丘尼。優婆塞。優婆夷。

天龍夜叉。乾闥婆。阿修羅。迦樓羅。緊那羅。摩睺羅伽。人非人等。一切衆前。於文殊等者。迹中所化之衆也。舊住者。十方本化之衆也。

現大神力。出廣長舌。上至梵世。

此第一神力也。吐舌相者。今經所演開三顯一。開近顯遠。梵世。卽有頂。卽色究竟天。所謂豎窮三際。

一切毛孔。放於無量無數色光。皆悉徧照十方世界。

衆寶樹下。師子座上。諸佛亦復如是。出廣長舌。放無

量光。釋迦牟尼佛。及寶樹下諸佛。現神力時。滿百千

歲。此第二神力也。徧體放光。周徧十方。無處不明。表二門理一也。然後還攝舌相。一時警歎。此第三神力也。警歎者。將語之狀。

俱共彈指。此第四神力也。彈指者。隨喜七方便。同入圓道。

是二音聲。徧至十方諸佛世界。地皆六種震動。

此第五神力也。二音聲者。警歎彈指也。

其中衆生。天龍夜叉。乾闥婆。阿修羅。迦樓羅。緊那羅。

摩睺羅伽。人非人等。以佛神力故。皆見此娑婆世界。

無量無邊。百千萬億衆寶樹下。師子座上諸佛。及見

釋迦牟尼佛。共多寶如來。在寶塔中坐師子座。又見

無量無邊。百千萬億菩薩摩訶薩。及諸四衆。恭敬圍

繞。釋迦牟尼佛。既見是已。皆大歡喜。得未曾有。

此第六神力也。普見大會者。表諸佛道同也。

即時諸天。於虛空中。高聲唱言。過此無量無邊百千萬億阿僧祇世界。有國名娑婆。是中有佛。名釋迦牟尼。今為諸菩薩摩訶薩。說大乘經。名妙法蓮華。教菩薩。法佛所護念。汝等當深心隨喜。亦當禮拜供養釋迦牟尼佛。此第七神力也。

此示佛具如是神通妙用也。然以世眼觀之。則黃帝乘龍。欒巴喫酒。麗姿入石。長房縮地。皆罕見之難事。以道眼觀之。則維摩丈室。容百萬之多座。釋尊一時。曆百千之長年。一舌紙初神。萬萬里之高一聲。遍十方萬萬界之廣。亦大聖之末事。

彼諸衆生。聞虛空中聲已。合掌向娑婆世界。作如是言。南無釋迦牟尼佛。南無釋迦牟尼佛。此第八神力也。

以種種華香。瓔珞幡蓋。及諸嚴身之具。珍寶妙物。皆遙散娑婆世界。所散諸佛。從十方來。譬如雲集。變成寶帳。徧覆此間諸佛之上。此第九神力也。

於時十方世界。通達無礙。如一佛土。此第十神力也。爾時佛告上行等菩薩大衆。諸佛神力。如是無量無邊。不可思議。若我以是神力。於無量無邊百千萬億阿僧祇劫。為囑累故。說此經功德。猶不能盡。以要言

之。如來所有一切之法。如來一切自在神力。如來一切秘要之藏。如來一切甚深之事。皆於此經宣示顯說。一切法者。一切皆佛法。此結妙名也。一切力者。通達無礙。具八自在。此結妙用也。一切秘藏者。徧一切處。皆是實相。此結妙體也。甚深事者。因果是深事。此結妙宗也。

是故汝等。於如來滅後。應一切受持讀誦解說書寫。如說修行。所在國土。若有受持讀誦解說書寫。如說修行。若經卷所住之處。若於園中。若於林中。若於樹下。若於僧坊。若白衣舍。若在殿堂。若山谷曠野。是中皆應起塔供養。所以者何。當知是處。卽是道場。諸佛

於此得阿耨多羅三藐三菩提。諸佛於此轉於法輪。諸佛於此而般涅槃。爾時世尊欲重宣此義。而說偈言。

諸佛救世者。住於大神通。爲悅衆生故。
 現無量神力。舌相至梵天。身放無數光。
 爲求佛道者。現此希有事。諸佛馨歎聲。
 及彈指之聲。周聞十方國。地皆六種動。
 以佛滅度後。能持是經故。諸佛皆歡喜。
 現無量神力。頌十神力中。但有五者。闕後五也。

囑累是經故。讚美受持者。於無量劫中。

猶故不能盡。是人之功德。無量無有窮。

如十方虛空。總頌四法。但云囑累受持即持佛身。

能持是經者。則為已見我。亦見多寶佛。

及諸分身者。又見我今日。教化諸菩薩。

能持是經者。令我及分身。持法。即持佛身。

滅度多寶佛。一切皆歡喜。十方現在佛。

并過去未來。亦見亦供養。亦令得歡喜。

諸佛坐道場。所得秘要法。能持是經者。

不久亦當得。能持是經者。於諸法之義。

名字及言辭。樂說無窮盡。如風於空中。

一切無障礙。於如來滅後。知佛所說經。

因緣及次第。隨義如實說。如日月光明。

能除諸幽冥。斯人行世間。能滅衆生闇。

教無量菩薩。畢竟住一乘。說法破暗入一乘。是佛甚深之事。

是故有智者。聞此功德利。於我滅度後。

應受持斯經。是人於佛道。決定無有疑。

此總結四法。若能持持四法。

○囑累品第二十二。囑是佛所付囑累是頌爾宣傳

道在人弘益後流相傳慧命利無休
多生積習菩提法一旦親承觀體修

爾時釋迦牟尼佛從法座起現大神力以右手摩無量菩薩摩訶薩頂而作是言我於無量百千萬億阿僧祇劫修習是難得阿耨多羅三藐三菩提法今以付囑汝等汝等應當一心流布此法廣令增益如是三摩諸菩薩摩訶薩頂而作是言我於無量百千萬億阿僧祇劫修習是難得阿耨多羅三藐三菩提法今以付囑汝等汝等當受持讀誦廣宣此法令一切

衆生普得聞知。所以者何。如來有大慈悲。無諸慳吝。亦無所畏。能與衆生佛之智慧。如來智慧自然智慧。如來是一切衆生之大施主。汝等亦應隨學。如來之法。勿生慳吝。三摩者。重重付托。顯此法聲盡無餘。爲大根人。直說六度。由慳貪而說布施。毀

樂而說持戒。瞋恚而說忍辱。懈怠而說精進。散亂而說禪定。愚癡而說智慧。是謂從緣而起。若慳貪等一破。則懈怠散亂等一時俱滅。故曰各隨所安。

於未來世。若有善男子。善女人。信如來智慧者。當爲演說此法華經。使得聞知。爲令其人得佛慧故。若有衆生不信受者。當於如來餘深法中。示教利喜。汝等

若能如是則爲已報諸佛之恩。

若根淺智利直說佛慧若不堪者於餘深法中示
教利喜佛慧是深而非餘六方便是餘而非深別
教次第是餘亦是深汝能亦餘深之法助申佛慧
者即善巧報佛之恩是名誠付囑也。

時諸菩薩摩訶薩聞佛作是說已皆大歡喜徧滿其
身益加恭敬。曲躬低頭合掌向佛俱發聲音如世尊
勅當具奉行。唯然世尊。願不有慮。諸菩薩摩訶薩衆
如是三及俱發聲言如世尊勅當具奉行。唯然世尊
願不有慮。

佛說三業付囑菩薩亦三業領受歡喜是意領受
曲躬低頭是身領受俱發聲音是口領受。

爾時釋迦牟尼佛令十方來諸分身佛各還本土而
作是言。諸佛各隨所安。多寶佛塔還可如故。說是語
已。十方無量分身諸佛坐寶樹下師子座上者。及多
寶佛并上行等。無邊阿僧祇菩薩大衆。舍利弗等。聲
聞四衆。及一切世間天人阿修羅等。聞佛所說。皆大
歡喜。諸佛爲化他事。遂故喜。菩薩爲自行得法。故喜。

○藥王菩薩本事品第二十三。

昔名星光。從尊者入藏。聞說佛慧。以雪山上草
供養衆僧。願未盡。能治衆生身心兩病。
只怕此身煉不盡。此身燒盡我無依。
是名若行流通者。珍重當人善護持。

爾時宿王華菩薩。白佛言。世尊。藥王菩薩。云何遊於娑婆世界。世尊。是藥王菩薩。有若干百千萬億那由他。難行苦行。善哉。世尊。願少解說。諸天龍神。夜叉乾闥婆。阿修羅。迦樓羅。緊那羅。摩睺羅伽。人非人等。又他國土。諸來菩薩。及此聲聞衆。聞皆歡喜。爾時佛告宿王華菩薩。乃往過忉無量恒河沙劫。有佛號日月淨明德。如來。應供。正徧知。明行足。善逝。世間解。無上士。調御丈夫。天人師。佛。世尊。其佛有八十萬二千劫。菩薩壽命亦等。彼國無有女人。地獄。餓鬼。畜生。阿修

羅等。及以諸難地平如掌。琉璃所成。寶樹莊嚴。寶帳覆上。垂寶華幡。寶餅香鑪。周徧國界。七寶爲臺。一樹一臺。其樹太臺。盡一箭道。此諸寶樹皆有菩薩聲聞而坐其下。諸寶臺上。各有百億諸天。作天伎樂。歌歎於佛。以爲供養。爾時彼佛爲一切衆生喜見菩薩。及衆菩薩諸聲聞衆。說法華經。是一切衆生喜見菩薩。樂習苦行。於日月淨明德佛法中。精進經行。一心求佛。滿萬二千歲已。得現一切色身三昧。得此三昧已。心大歡喜。卽作念言。我得現一切色身三昧。皆是得

聞沘華經力。我今當供養日月淨明德佛。及沘華經。即時入是三昧。於虛空中。兩曼陀羅華。摩訶曼陀羅華。細抹堅黑旃檀。滿虛空中。如雲而下。又兩海此岸旃檀之香。此香六銖。價值娑婆世界。以供養佛。作是供養已。從三昧起。而自念言。我雖以神力供養於佛。不如以身供養。即服諸香旃檀。薰陸。兜樓婆。畢力迦。沉水。膠香。又飲薝蔔。諸華香油。滿千二百歲已。香油塗身。於日月淨明德佛前。以天寶衣。而自纏身。灌諸香油。以神通力。願而自然身。光明徧照。八十億恒河。

沙世界。其中諸佛。同時讚言。善哉善哉。善男子。是真精進。是真真法供養如來。若以華香。瓔珞。燒香。末香。塗香。天繒幡蓋。及海此岸旃檀之香。如是等種種諸佛供養。所不能及。假使國城妻子布施。亦所不及。善男子。是名第一之施。於諸施中。最等最上。以沘供養諸如來故。作是語已。而各默然。其身火然。千二百歲過是已後。其身乃盡。一切衆生。喜見菩薩。作如是沘供養已。命終之後。復生日月淨明德佛國中。於淨德王家。結加趺坐。忽然化生。即爲其父而說偈言。

內蓮智觀。觀煩惱因果。皆用空觀蕩之。故言真泐。

大王今當知。我今行彼處。卽時得一切。現諸身三昧。勤行大精進。捨所愛之身。

說是偈已。而白父言。日月淨明德佛。今故現在。我先供養佛已。得解一切衆生語言陀羅尼。復聞是泐攀經。八千千萬億那由他。甄迦羅頻婆羅阿闍婆等。偈大王。我今當還供養此佛。白已。卽坐七寶之臺上。升虛空高七多羅樹。徃到佛所。頭面禮足。合十指爪。以偈讚佛。

容顏甚奇妙。

光明照十方。我適曾供養。

今復還親覲。

爾時一切衆生喜見菩薩。說是偈已。而白佛言。世尊。世尊猶故在世。爾時日月淨明德佛。告一切衆生喜見菩薩。善男子。我涅槃時到。滅盡時至。汝可安施牀座。我於今夜當般涅槃。又勅一切衆生喜見菩薩。善男子。我以佛泐囑累於汝。及諸菩薩大弟子。并阿耨多羅三藐三菩提泐。亦以三千大千七寶世界。諸寶樹寶臺。及給侍諸天。悉付於汝。我滅度後。所有舍利。

亦付囑汝當令流布廣設供養應起若干千塔如是
日月淨明德佛勅一切衆生喜見菩薩已於夜後分
入於涅槃爾時一切衆生喜見菩薩見佛滅度悲感
懊惱戀慕於佛卽以海此岸旃檀爲積供養佛身而
以燒之火滅已後收取舍利作八萬四千寶瓶以起
八萬四千塔高三世界表刹莊嚴垂諸幡蓋懸衆寶
鈴爾時一切衆生喜見菩薩復自念言我雖作是供
養心猶未足我今當更供養舍利便語諸菩薩大第
子及天龍夜叉等一切大衆汝等當一心念我今供

養日月淨明德佛舍利作是語已卽於八萬四千塔
前然百福莊嚴臂七萬二千歲而以供養令無數求
聲聞衆無量阿僧祇人發阿耨多羅三藐三菩提心
皆使得住現一切色身三昧爾時諸菩薩天人阿修
羅等見其無臂憂惱悲哀而作是言此一切衆生喜
見菩薩是我等師教化我者而今燒臂身不具足於
時一切衆生喜見菩薩於大衆中立此誓言我捨兩
臂必當得佛金色之身若實不虛令我兩臂還復如
故作是誓已自然還復由斯菩薩福德智慧淳厚所

60 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9

法華經疏卷之六

三十一

致當爾之時三千大千世界六種震動天兩寶華一切人天得未曾有。金色之身者前已得普現色身三昧即八相成道金色之身。佛告宿王華菩薩於汝意云何一切衆生喜見菩薩豈異人乎今藥王菩薩是也其所捨身布施如是無量百千萬億那由他數宿王華若有發心欲得阿耨多羅三藐三菩提者能然手指乃至足一指供養佛塔勝以國城妻子及三千大千國土山林河池諸珍寶物而供養者。財一指內身也妻子外身也國城等外財也。若復有人以七寶滿三千大千世界供養於佛及大

菩薩辟支佛阿羅漢是人所得功德不如受持此法華經乃至一四句偈其福最多。藥王燒身煉臂供養此經盡燒身空我相

也煉臂忘我執也燒身煉臂如雲去雲來天本淨此方他界若花間花落樹何心

宿王華譬如一切川流江河諸水之中海爲第一此法華經亦復如是於諸如來所說經中最高爲深大又如土山黑山小鐵圍山大鐵圍山及十寶山衆山之中須彌山爲第一此法華經亦復如是於諸經中最高爲其上又如衆星之中月天子最爲第一此法華經亦復如是於千萬億種諸經法中最高爲照明又如日

法華經疏卷之六

三十一

天子能除諸闇。此經亦復如是。能破一切不善之暗。又如諸小王中。轉輪聖王最爲第一。此經亦復如是。於衆經中。最爲其尊。又如帝釋於三十三天中王。此經亦復如是。諸經中王。又如大梵天王。一切衆生之父。此經亦復如是。一切賢聖學無學。及發菩薩心者之父。又如一切凡夫人中。須陀洹斯陀含。阿那含。阿羅漢。辟支佛。爲第一。此經亦復如是。一切如來所說。若菩薩所說。若聲聞所說。諸經法中。最爲第一。有能受持是經典者。亦復如是。於一切衆生中。亦爲第一。

一切聲聞辟支佛中。菩薩爲第一。此經亦復如是。於一切諸經法中。最爲第一。如佛爲諸法王。此經亦復如是。諸經中王。宿王華。此經能救一切衆生者。此經能令一切衆生離諸苦惱。此經能大饒益一切衆生。充滿其願。如清涼池。能滿一切諸渴乏者。如寒者得火。如裸者得衣。如商人得主。如子得母。如渡得船。如病得醫。如闇得燈。如貧得寶。如民得王。如賈客得海。如炬除闇。以法妙故。最爲第一。人弘妙法。亦爲第一。清涼池等。總十二事。皆歎經與樂之用也。此法華經亦復如是。能令衆生離一切苦。一切病痛。

能解一切生死之縛。若人得聞此沘華經。若自書。若使人書。所得功德。以佛智慧籌量多少。不得其邊。若書是經卷。華香瓔珞。燒香末香塗香。幡蓋衣服。種種之燈。蘇燈。油燈。諸香油燈。蔴油燈。須曼那油燈。波羅羅油燈。婆利師迦油燈。那婆摩利油燈。供養所功德亦復如是。

宿音風。婆斯迦夏生華。又云雨華。那婆雜華。摩利云。雙華。薰陸乳香。梵羅婆草香。卑力迦丁香。

宿王華。若有人聞是藥王菩薩本事品者。亦得無量無邊功德。若有女人聞是藥王菩薩本事品能受持

者。盡是女身。後不復受。若如來滅後。後五百歲中。若有女人聞是經典。如說修行。於此命終。卽往安樂世界。阿彌陀佛。大菩薩衆圍遶住處。坐蓮華中寶座上。第一百。解脫堅固。二百年。禪定堅固。三百年。持戒堅固。四百年。多聞堅固。五百年。布施堅固。

不復爲貪欲所惱。亦復不爲瞋恚愚癡所惱。亦復不爲憍慢嫉妬諸垢所惱。得菩薩神通無生法忍。得是忍已。眼根清淨。以是清淨眼根。見七百萬二千億那由他恒河沙等諸佛如來。是時諸佛遙共讚言。善哉善哉。善男子。汝能於釋迦牟尼佛法中。受持讀誦思

惟是經爲他人說所得福德無量無邊火不能焚水不能漂汝之功德千佛共說不能令盡汝今已被諸魔賊壞生死軍諸餘怨敵皆悉摧滅善男子百千諸佛以神通力共守護汝於一切世間天人之中無如汝者唯除如來其諸聲聞辟支佛乃至菩薩智慧禪定無有與汝等者宿王華此菩薩成就如是功德智慧之力若有人聞是藥王菩薩本品能隨喜讚善者是人現世口中常出青蓮華香身毛孔中常出牛頭旃檀之香所得功德如上所說

阿育王請僧入宮供養一比丘名優鉢羅口卅作優鉢羅華之香王疑勅水洗口洗已倍香王問答曰過去迦葉佛時我爲高座法師讚歎佛法故四十九億歲生人天中口中出香旣迦羅五十大數中第十六數頻婆羅第十八數

是故宿王華以此藥王菩薩本品囑累於汝我滅度後後五百歲中廣宣流布於閻浮提無令斷絕惡魔魔民諸天龍夜叉鳩槃荼等得其便也宿王華汝當以神通之力守護是經所以者何此經則爲閻浮提人病之良藥若人有病得聞是經病卽消滅不老不死宿王華汝若見有受持是經者應以青蓮華盛

法華經疏卷六

三七

滿抹香供散其上。散已作是念言。此人不久。必當取
草。坐於道場。破諸魔軍。當吹法螺。擊大法鼓。度脫一
切衆生。老病死海。是故求佛道者。見有受持是經典
人。應當如是生恭敬心。說是藥王菩薩本事品時。八
萬四千菩薩。得解一切衆生語言陀羅尼。多寶如來
於寶塔中。讚宿王華菩薩言。善哉善哉。宿王華。汝成
就不可思議功德。乃能問釋迦牟尼佛如此之事。利
益無量一切衆生。

妙法蓮華經卓解卷第六

妙法蓮華經卓解卷第七

姚秦三藏法師鳩摩羅什 原譯

武原無依道人徐昌治觀周氏逗註

○妙音菩薩品第二十四。此品明菩薩。以妙音隨類

本無生處及升沉。廣大冲虚妙甚深。從今不受人瞞却。萬古乾坤號妙音。

爾時釋迦牟尼佛。放大人相肉髻光明。及放眉間白
毫相光。徧照東方百八萬億那由他恒河沙等諸佛
世界。過是數已。有世界名淨光莊嚴。其國有佛。號淨
華宿王智。如來。應供。正徧知。明行足。善逝。世間解。無

上士調御丈夫。天人師。佛世尊。為無量無邊菩薩大
眾恭敬圍繞。而為說法。泐釋迦牟尼佛。白毫光明。徧照
其國。徧體毛功德。眾好功德。相功德。白毫功德。不及
肉髻功德。故是大人相也。

爾時一切淨光莊嚴國中。有一菩薩。名曰妙音。久已
植眾德本。供養親近無量百千萬億諸佛。而悉成就
甚深智慧。此叙福由者。由值先佛多也。甚深智慧。即
智慧莊嚴也。

得妙幢相三昧。法華三昧。淨德三昧。宿王戲三昧。無
緣三昧。智印三昧。解一切眾生意。語言三昧。集一切功
德三昧。清淨三昧。神通遊戲三昧。慧炬三昧。莊嚴王

三昧。淨光明三昧。淨藏三昧。不共三昧。日旋三昧。得
如是等百千萬億恒河沙等諸大三昧。十六三昧。即
福德莊嚴也。

釋迦牟尼佛。光照其身。即白淨華宿王智佛言。世尊
我當往詣娑婆世界。禮拜親近。供養釋迦牟尼佛。及

見文殊師利法王子菩薩。藥王菩薩。勇施菩薩。宿王
華菩薩。上行意菩薩。莊嚴王菩薩。藥上菩薩。爾時淨
華宿王智佛。告妙音菩薩。汝莫輕彼國。生下劣想。善

男子。彼娑婆世界。高下不平。土石諸山。穢惡充滿。佛
身卑小。諸菩薩眾。其形亦小。而汝身四萬二千由旬。

我身六百八十萬由旬。汝身第一端正。百千萬福。光明殊妙。是故汝往。莫輕彼國。若佛菩薩。及國土生下劣想。妙音菩薩白其佛言。世尊。我今詣娑婆世界。皆是如來之力。如來神通遊戲。如來功德智慧莊嚴。

如來力是座力。神通力是室力。莊嚴力是衣力。此受弘經之大旨。利物之宗要。

於是妙音菩薩不起于座。身不動搖。而入三昧。以三昧力。於青閼崛山。忝泐座不遠。化作八萬四千象寶蓮華。闍浮檀金爲莖。白銀爲葉。金剛爲鬚。甄叔迦寶以爲其臺。闍浮檀金者。西域有河。近闍浮樹。其金出後河中。甄叔迦。赤色寶。

爾時文殊師利泐王子。見是蓮華。而白佛言。世尊。是何因緣。先現此瑞。有若干千萬蓮華。闍浮檀金爲莖。白銀爲葉。金剛爲鬚。甄叔迦寶以爲其臺。爾時釋迦牟尼佛告文殊師利。是妙音菩薩摩訶薩。欲從淨華宿王智佛國。與八萬四千菩薩圍繞而來。至此娑婆世界。供養親近禮拜於我。亦欲供養聽泐華經。文殊師利白佛言。世尊。是菩薩種何善本。修何功德。而能有是大神通力。行何三昧。願爲我等說是三昧名字。我等亦欲勤修行之。行此三昧。乃能見是菩薩色相。

大小威儀進止。惟願世尊。以神通力。彼菩薩來。令我
得見。爾時釋迦牟尼佛告文殊師利。此久滅度多寶
如來。當爲汝等而現其相。時多寶佛告彼菩薩。善男
子來。文殊師利。汝王子欲見汝身。於時妙音菩薩。於
彼國沒。與八萬四千菩薩。俱共發來。所經諸國。六種
震動。皆悉雨於七寶蓮華。百千天樂。不鼓自鳴。是菩
薩。目如廣大青蓮華葉。正使和合百千萬月。其面貌
端正。復過於此。身真金色。無量百千功德莊嚴。威德
熾盛。光明照耀。諸相具足。如那羅延堅固之身。入七

寶臺。上升虛空。去地七多羅樹。諸菩薩衆恭敬圍繞。
而來詣此娑婆世界耆闍崛山。

天竺有青蓮華。其葉修廣。青白分明。有眼目之相。
故云。目如廣大等也。天力士。名端正。志力勇猛。

到已。下七寶臺。以價直百千瓔珞。持至釋迦牟尼佛
所。頭面禮足。奉上瓔珞。而白佛言。世尊。淨華宿王智
佛。問訊世尊。少病少惱。起居輕利。安樂行不。四大調
和不。世事可忍不。衆生易度不。無多貪欲。嗔恚愚癡
嫉妬。慳慢不。無不孝父母。不敬沙門。邪見不善心。不
攝五情不。世尊。衆生能降伏諸魔怨不。久滅度多寶

如來在七寶塔中來聽法不。又問訊多寶如來。安隱少惱。堪忍久住不。世尊。我今欲見多寶佛身。惟願世尊。示我令見。今經三處問訊病惱。順同居施化境本生身示同人法故。二約禮儀法爾而然。故。三約三身通大小故。分身既散。塔閉如故。多寶居於塔內。故願示之令見。爾時釋迦牟尼佛。語多寶佛。是妙音菩薩。欲得相見。時多寶佛。告妙音言。善哉善哉。汝能為供養釋迦牟尼佛。及聽法華經。并見文殊師利等。故來至此。爾時華德菩薩。白佛言。世尊。是妙音菩薩。種何善根。

多寶既順佛請。即於塔內而答妙音。又問妙音昔世種何善根。

修何功德。有是神力。此問妙音中間修何功德。今日有是神力耶。

佛告華德菩薩。過去有佛。名雲雷音王。多陀阿伽度。

阿羅訶。三藐三佛陀。國名現一切世間。劫名喜見。妙

音菩薩。於萬二千歲。以十萬種伎樂。供養雲雷音王

佛。并奉上八萬四千七寶鉢。以是因緣。果報。今生淨

華宿王智佛國。有是神力。華德於汝意云何。爾時雲

雷音王佛所。妙音菩薩伎樂供養。奉上寶器者。豈異

人乎。今此妙音菩薩摩訶薩。是華德。是妙音菩薩。已

曾供養親近無量諸佛。久植德本。又值恒河沙等百

千萬億那由他佛。華德。汝但見妙音菩薩。其在此。而是菩薩現種種身。處處爲諸衆生說。是經典。或現梵王身。或現帝釋身。或現自在天身。或現大自在天身。或現天大將軍身。或現毘沙門天王身。或現轉輪聖王身。或現諸小王身。或現長者身。或現居士身。或現宰官身。或現婆羅門身。或現比丘比丘尼優婆塞。優婆夷身。或現長者居士婦女身。或現宰官婦女身。或現婆羅門婦女身。或現童男童女身。或現天龍夜叉。乾闥婆。阿修羅。迦樓羅。緊那羅。摩睺羅伽。人非人。

等身。而說是經。諸有地獄餓鬼畜生及衆難處。皆能救濟。乃至於王後宮。變爲女身。而說是經。華德。是妙音菩薩。能救護娑婆世界諸衆生者。是妙音菩薩。如是種種變化現身。在此娑婆國土。爲諸衆生說。是經典。於神通變化智慧。無所損減。是菩薩。以若干智慧。明照娑婆世界。令一切衆生。各得所知。於十方恒河沙世界中。亦復如是。若應以聲聞形得度者。現聲聞形。而爲說法。應以辟支佛形得度者。現辟支佛形。而爲說法。應以菩薩形得度者。現菩薩形。而爲說法。應

以佛形得度者。即現佛形而為說法。如是種種隨所
 應度。而為現形。乃至應以滅度而得度者。示現滅度。
 華德。妙音菩薩摩訶薩。成就大神通智慧之力。其事
 如是。爾時華德菩薩白佛言。世尊。是妙音菩薩。深種
 善根。世尊。是菩薩住何三昧。而能如是在所變現。度
 脫衆生。示三十四九身。四聖人身。結成十法界六道
 耳。此問今住何處。而能如此自在利益。
 佛告華德菩薩。善男子。其三昧名現一切色身。妙音
 菩薩。住是三昧中。能如是饒益無量衆生。說是妙音
 菩薩品時。與妙音菩薩俱來者。八萬四千人。皆得現

一切色身三昧。此娑婆世界。無量菩薩。亦得是三昧

及陀羅尼。

三昧與陀羅尼。體一而用異。寂用為三昧。持用為陀羅尼。又色身變現為三昧。音聲辨說名陀羅尼。又舌根清淨名陀羅尼。餘根清淨名三昧。都是六根清淨法門耳。

爾時妙音菩薩摩訶薩。供養釋迦牟尼佛。及多寶佛
 塔已。還歸本土。所經諸國。六種震動。兩寶蓮華。作百
 千萬億種種伎樂。既到本國。與八萬四千菩薩圍繞。
 至淨華宿王智佛所。白佛言。世尊。我到娑婆世界。饒
 益衆生。見釋迦牟尼佛。及見多寶佛塔。禮拜供養。又
 見文殊師利法王子菩薩。及見藥王菩薩。得勤精進

力菩薩。勇施菩薩等。亦令是八萬四千菩薩得現一切色身三昧。妙音還本土。動地兩華者。菩薩經歷諸國。能饒益一切衆生也。說是妙音菩薩來往品時四萬二千天子得無生淡忍。華德菩薩得法華三昧。

佛放大人相肉髻光明者。表此心爲無上頂法也。放言間白毫相光者。表此心從中道湧出也。光照東方百八萬億諸佛世界者。衆生心動。則具百八煩惱。聖人了達。即動非動。超煩惱而證清淨實相。故以三昧力。化作八萬四千蓮華者。轉八萬四千塵勞。爲八萬四千法門也。

○觀世音菩薩普門品第二十五

音以觀觀者。楞嚴中惟叙入道。祇一耳根。此中正叙功德。故兼慈意。惟此意根。具攝六根功德。

故獲如來二種殊勝。一者上合十方諸佛同一慈力。二者下合六道衆生同一悲仰。一鏡堂堂萬像俱大。千何處不光輝。迥然不落根塵界。手眼通身却是誰。

爾時無盡意菩薩。即從座起。偏袒右肩。合掌向佛而作是言。世尊。觀世音菩薩。以何因緣。名觀世音。佛告無盡意菩薩。善男子。若有無量百千萬億衆生。受諸苦惱。聞是觀世音菩薩。一心稱名。

觀世音菩薩。即時觀其音聲。皆得解脫。若有持是觀世音菩薩名者。設入大火。火不能燒。由是菩薩威神力故。若爲大水所漂。稱其名號。即得淺處。若有百千

法苑珠林卷之七
萬億衆生爲求金銀瑠璃碑礫碼碯珊瑚琥珀真珠等寶入於大海假使黑風吹其船舫飄墮羅刹鬼國其中若有乃至一人稱觀世音菩薩名者是諸人等皆得解脫羅刹之難以是因緣名觀世音若復有人臨當被害稱觀世音菩薩名者彼所執刀杖尋段段壞而得解脫若三千大千國土滿中夜叉羅刹欲來惱人聞其稱觀世音菩薩名者是諸惡鬼尚不能以惡眼視之况復加害設復有人若有罪若無罪杻械枷鎖檢繫其身稱觀世音菩薩名者皆悉斷壞卽得

解脫若三千大千國土滿中怨賊有一商主將諸商人齎持重寶經過險路其中一人作是唱言諸善男子勿得恐怖汝等應當一心稱觀世音菩薩名號是菩薩能以無畏施於衆生汝等若稱名者於此怨賊當得解脫衆商人聞俱發聲言南無觀世音菩薩稱其名故卽得解脫無盡意觀世音菩薩摩訶薩威神之力巍巍如是觀音勢力既大加護亦曠豈止七難編法界皆能救護故言巍巍若有衆生多於婬欲常念恭敬觀世音菩薩便得離欲若多嗔恚常念恭敬觀世音菩薩便得離嗔若多

愚癡常念恭敬觀世音菩薩。便得離癡。無盡意。觀世音菩薩。有如是等大威神力。多所饒益。是故衆生。常應心念。若有女人。設欲求男。禮拜供養觀世音菩薩。便生福德智慧之男。設欲求女。便生端正有相之女。宿植德本。衆人愛敬。無盡意。觀世音菩薩。有如是力。若有衆生。恭敬禮拜觀世音菩薩。福不唐捐。唐言徒捐言棄。是故衆生。皆應受持觀世音菩薩名號。無盡意。若有人受持六十二億恒河沙菩薩名字。復盡形供養。飲食衣服。臥具醫藥。於汝意云何。是善男子。善女人。功

德多不。無盡意言甚多世尊。佛言。若復有人。受持觀世音菩薩名號。乃至一時禮拜供養。是二人福。正等無異。於百千萬億劫不可窮盡。無盡意。受持觀世音菩薩名號。得如是無量無邊福德之利。無盡意菩薩。白佛言。世尊。觀世音菩薩。云何遊此娑婆世界。六十億。云何遊。舉福田多。盡形壽。舉時勤多。四事具足。舉種子多。云何遊。是問身業。云何說。是問口業。方便。問意業。云何而爲衆生說。汝方便之力。其事云何。佛告無盡意菩薩。善男子。若有國土衆生。應以佛身得度者。觀世音菩薩。卽現佛身而爲說。汝應以辟。又佛身得度

者。卽現辟支佛身而爲說法。應以聲聞身得度者。卽現聲聞身而爲說法。應以梵王身得度者。卽現梵王身而爲說法。梵王。卽色界天主也。名爲尸棄。此云頂髻。應以帝釋身得度者。卽現帝釋身而爲說法。應以自在天身得度者。卽現自在天身而爲說法。帝釋。卽天王也。應以大自在天身得度者。卽現大自在天身而爲說法。應以天大將軍身得度者。卽現天大將軍身而爲說法。八健提。天中力士。又稱鳩摩伽。應以毘沙門身得度者。卽現毘沙門身而爲說法。應

以小王身得度者。卽現小王身而爲說法。

毘沙門。比云多聞。天王爲大。人王爲小。就人王中。金銀銅鉄四種輪王。

應以長者身得度者。卽現長者身而爲說法。應以居士身得度者。卽現居士身而爲說法。應以宰官身得度者。卽現宰官身而爲說法。應以婆羅門身得度者。卽現婆羅門身而爲說法。應以比丘比丘尼優婆塞優婆夷身得度者。卽現比丘比丘尼優婆塞優婆夷身而爲說法。應以長者居士宰官婆羅門婦女身得度者。卽現婦女身而爲說法。應以童男童女身得度

者。即現童男童女身而為說法。應以天龍夜叉。乾闥
 婆。阿修羅。迦樓羅。緊那羅。摩睺羅伽。人非人等身得
 度者。即皆現之。而為說法。應以執金剛神得度者。即
 現執金剛神而為說法。昔有國王夫人。生千子。欲試
 當來成佛次第。拘留孫佛。探
 得第一等。乃至樓至。當千等。第二夫人。生二子。一
 類為梵王。請千兄說法。一類為金剛。護千兄教。
 無盡意。是觀世音菩薩。成就如是功德。以種種形。遊
 諸國土。度脫衆生。種種形。明示現身廣。諸國土。明所
 化處廣。度脫衆生。明得益廣。
 是故汝等。應當一心供養觀世音菩薩。是觀世音菩
 薩摩訶薩。於怖畏急難之中。能施無畏。是故此娑婆

世界。皆號之為施無畏者。由施衆生無畏。從總受名
 衆生於畏得脫。為作此名。
 無盡意菩薩。白佛言。世尊。我今當供養觀世音菩薩。
 即解頸衆寶珠瓔珞。價直百千兩金。而以與之。作是

言。仁者受此法。施珍寶瓔珞。

於施者。如法施也。財即是法。即空。即假。即中。三諦
 具足。於法平等。於財亦等。

時觀世音菩薩不肯受之。無盡意復白觀世音菩薩
 言。仁者。愍我等故。受此瓔珞。爾時佛告觀世音菩薩。
 當愍此無盡意菩薩。及四衆。天龍夜叉。乾闥婆。阿修
 羅。迦樓羅。緊那羅。摩睺羅伽。人非人等故。受是瓔珞。

卽時觀世音菩薩。愍諸四衆。及於天龍人非人等。受其瓔珞。分作二分。一分奉釋迦牟尼佛。一分奉多寶佛塔。無盡意。觀世音菩薩。有如是自在神力。遊於娑婆世界。爾時無盡意菩薩。以偈問曰。

世尊妙相具。我今重問彼。佛子何因緣。

名爲觀世音。具足妙相尊。偈答無盡意。

汝聽觀音行。善應諸方所。弘普深如海。

歷劫不思議。侍多千億佛。發大清淨願。

我爲汝畧說。聞名及見身。心念不空過。

能滅諸有苦。假使興害意。推落大火坑。

念彼觀音力。火坑變成池。或漂流巨海。

龍魚諸鬼難。念彼觀音力。波浪不能沒。

或在須彌峯。爲人所推墮。念彼觀音力。

如日虚空住。或被惡人逐。墮落金剛山。

念彼觀音力。不能損一毛。或值怨賊繞。

各執刀加害。念彼觀音力。咸卽起慈心。

或遭王難苦。臨刑欲壽終。念彼觀音力。

刀尋段段壞。或囚禁枷鎖。手足被杻械。

法華經集解卷之十

十一

念念勿生疑。觀世音淨聖。於苦惱處厄。

能為作依怙。具一切功德。慈眼視衆生。

福聚海無量。是故應頂禮。

爾時持地菩薩。即從座起。前白佛言。世尊。若有衆生

聞是觀世音菩薩品自在之業。普門示現神通力者。

當知是人。功德不少。持地者。菩薩有十法。名持地。三昧。

佛說是普門品。時衆中八萬四千衆生。皆發無等等

阿耨多羅三藐三菩提心。

○陀羅尼品第二十六。陀羅尼。翻總持。又翻能遮。能持。能持善遮惡也。

陀羅尼。咒一乘宗。弘護持經八部。從內障無侵。圓教德。外魔不擾。密言功。

爾時藥王菩薩。即從座起。偏袒右肩。合掌向佛。而白

佛言。世尊。若善男子。善女人。有能受持法華經者。若

讀誦通利。若書寫經卷。得幾所福。佛告藥王。若有善

男子。善女人。供養八百萬億那由他恒河沙等諸佛。

於汝意云何。其所得福。寧為多不。甚多世尊。佛言。若

善男子。善女人。能於是經。乃至受持一四句偈。讀誦

解義。如說修行。功德甚多。爾時藥王菩薩白佛言。世

尊。我今當與說。法者。陀羅尼咒。以守護之。即說咒曰。

法華經疏解卷七

沙華經卓龍卷七
安爾。曼爾。摩禰。摩禰。旨。隸。遮梨第。賒咩。賒履多。
瑤。羶帝。目帝。目多履。娑履。阿瑤。娑履。桑履。娑履。义。
商。阿义商。阿着賦。羶帝。賒履。陀羅尼。阿盧伽。娑娑。
鞞。篋。毘。义。賦。禰。毘。判。阿便多。邏。禰。履。刺。阿。壹。哆。波。
隸。輸。地。歐。宛。隸。牟。宛。隸。阿羅隸。波羅隸。首迦差。阿。
三磨三履。佛陀。毘。吉利。素帝。達磨。波利。差帝。僧伽。
涅。瞿。沙。禰。娑。舍。娑。舍。輸。地。曼。哆。邏。曼。哆。邏。义。夜。多。
郵。樓。哆。郵。樓。哆。僑。舍。畧。惡。义。邏。惡。义。冶。多。冶。阿。婆。
盧。阿。摩。若。那。多。夜。

世尊。是陀羅尼神咒。六十二億恒河沙等諸佛所說。
若有侵毀此法師者。則爲侵毀是諸佛已。時釋迦牟
尼佛。讚藥王菩薩言。善哉善哉。藥王。汝愍念擁護此
法師故。說是陀羅尼。於諸衆生多所饒益。爾時勇施
菩薩白佛言。世尊。我亦爲擁護讀誦受持法華經者。
說陀羅尼。若此法師。得是陀羅尼。若夜义。若羅刹。若
富單那。若吉篋。若鳩槃荼。若餓鬼等。伺求其短。無能
得便。卽於佛前而說咒曰。

座隸。摩訶座隸。郁枳。目枳。阿隸。阿羅。娑。第。涅。隸。第。

涅槃多婆弟。伊緻柅。常緻柅。旨緻柅。涅槃墀柅。涅槃墀婆底。

世尊。是陀羅尼神咒。恒河沙等諸佛所說。亦皆隨喜。若有侵毀此法師者。則爲侵毀是諸佛已。爾時毘沙門天王護世者。白佛言。世尊。我亦爲愍念衆生。擁護此法師故。說是陀羅尼。卽說咒曰。

阿黎。那黎。兜那黎。阿那盧。那履。拘那履。

世尊。以是神咒。擁護法師。我亦自當擁護。持是經者。令百由旬內。無諸衰患。爾時持國天王。在此會中。與

千萬億那由他。乾闥婆衆。恭敬圍繞。前詣佛所。合掌白佛言。世尊。我亦以陀羅尼神咒。擁護持法華經者。卽說咒曰。

阿伽禰。伽禰。瞿利。乾陀利。旃陀利。摩蹉耆。常求利。浮樓莎柅。頰底。

世尊。是陀羅尼神咒。四十二億諸佛所說。若有侵毀此法師者。則爲侵毀是諸佛已。爾時有羅刹女等。一名藍婆。二名毘藍婆。三名曲齒。四名華齒。五名黑齒。六名多髮。七名無厭足。八名持瓔珞。九名臯帝。十名

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

法苑珠林卷之十

奪一切衆生精氣。是十羅刹女。與鬼子母。并其子。及眷屬。俱詣佛所。同聲白佛言。世尊。我等亦欲擁護讀誦受持法華經者。除其衰患。若有伺求法師短者。令不得便。卽於佛前而說咒曰。藍婆。結縛。毘藍婆。離結縛。

伊提履。伊提泥。伊提履。阿提履。伊提履。泥履。泥履。泥履。泥履。樓醯。樓醯。樓醯。樓醯。多醯。多醯。多醯。毘醯。毘醯。

寧上我頭上。莫惱於法師。若夜叉。若羅刹。若餓鬼。若富單那。若吉篾。若毘陀羅。若犍馱。若烏摩勒伽。若阿

跋摩羅。若夜叉。吉篾。若人。吉篾。若熱病。若一日。若二日。若三日。若四日。若至七日。若常熱病。若男形。若女形。若童男形。若童女形。乃至夢中亦復莫惱。卽於佛前而說偈言。

若不順我咒。惱亂說法者。頭破作七分。
如阿梨樹枝。如殺父母罪。亦如壓油殃。
斗秤欺誑人。調達破僧罪。犯此法師者。
當獲如是殃。

陀黃色鬼。烏摩勒伽。身色鬼。阿跋摩。羅青色鬼。樹似蘭。若墮地時。自然破七片。

法苑珠林卷之十

諸羅刹女說此偈已。白佛言。世尊。我等亦當身自擁護。受持讀誦修行。是經者。令得安隱。離諸衰患。消眾毒藥。佛告諸羅刹女。善哉善哉。汝等但能擁護受持。泐華名者。福不可量。何況擁護具足。受持供養經卷。華香瓔珞。抹香塗香。燒香。幡蓋伎樂。然檀種燈。蘇燈。油燈。諸香油燈。蘇摩那華油燈。蓀萄華油燈。婆師迦華油燈。優鉢羅華油燈。如是等百千種供養者。臯帝。汝等及眷屬。應當擁護。如是泐師。說是陀羅尼品時。六萬八千人。得無生泐忍。蘇摩那華。卽曼那華。婆師迦華。卽婆師利迦。

○妙莊嚴王本事品第二十七。

昔佛末法。有四比丘。於泐華經。極生殷重。其一人云。吾等四窮。尚不存身。法當安寄。居三人者。但以命奉道。莫慮朝昏。我一人者。捨此身力。普給所須。於是振錫門閭。以求供給。自春至冬。周而復始。三人得展其誠。功圓事辦。其一人者。偶逢王出。車馬駢闐。旌旗翕赫。生心動念。爰彼光榮。功德熏修。隨念受報。人中天上。常得爲王。三人得道。會而議云。我免籠樊。功由此王。方沉火坑。良難施救。一人云。此王著欲。而復邪見。若非愛鉤。無由可接。一人云。可爲端正婦。二作聰明兒。婦之言。必當從順。如宜設化。果獲改邪。昔時婦者。今光照莊嚴相。菩薩是。卽妙音也。二子者。今藥王。藥上。二菩薩是。

和因正顯正。和正元來只一家。和既不生誰是正。寶光匣冷孔雀蛇。

爾時佛告諸大衆。乃往古世過無量無邊不可思議阿僧祇劫。有佛名雲雷音。宿王華智。多陀阿伽度。阿羅訶。三藐三佛陀。國名光明莊嚴。劫名喜見。彼佛法中。有王名妙莊嚴。其王夫人名曰淨德。有二子。一名淨藏。二名淨眼。是二子有大神力。福德智慧。久修菩薩所行之道。所謂檀波羅蜜。尸羅波羅蜜。羼提波羅蜜。毘離耶波羅蜜。禪波羅蜜。般若波羅蜜。方便波羅蜜。慈悲喜捨。乃至三十七品助道法。皆悉明了通達。又得菩薩淨三昧。日星宿三昧。淨光三昧。淨色三昧。

淨照明三昧。長莊嚴三昧。大威德藏三昧。於此三昧

亦悉通達。一人是所化。三人是能化。別顯二子。福慧也。三十七助道。聖法門也。今經指十度為正道。呼三十七品是助道。禪度中具有三昧。道品中唯四念處屬慧。四正勤屬精進。餘五科內。皆有定名。定即三昧也。

爾時彼佛欲引導妙莊嚴王。及愍念衆生故。說是法華經時。淨藏淨眼二子。到其母所。合十指爪掌。白言。願毋往詣雲雷音宿王華智佛所。我等亦當侍從。親近供養禮拜。所以者何。此佛於一切天人衆中。說法華經。宜應聽受。毋告子言。汝父信受外道。深著婆羅

門泐。汝等應往白父。與共俱去。淨藏淨眼合十指爪
掌白母。我等是泐王子。而生此邪見家。母告子言。汝
等當憂念汝父。爲現神變。若得見者。心必清淨。或聽
我等往至佛所。於是二子。念其父故。涌在虛空。高七
多羅樹。現種種神變於虛空中。行住坐臥。身上出水。
身下出火。身下出水。身上出火。或現大身。滿虛空中。
而復現小。小復現大。於空中滅。忽然在地。入地如水。
履水如地。現如是等種種神變。令其父王心淨信解。
時父見子神力如是。心大歡喜。得未曾有。合掌向子

言。汝等師爲是誰。誰之弟子。二子白言。大王。彼雲雷音
宿王華智佛。今在七寶菩提樹下泐座上坐。於一切世
間天人衆中。廣說泐華經。是我等師。我是弟子。父語子
言。我今亦欲見汝等師。可共俱往。於是二子從空中下。
到其母所。合掌白母。父王今已信解。堪任發阿耨多羅
三藐三菩提心。我等爲父已作佛事。願母見聽。於彼佛
所出家修道。爾時二子欲重宣其意。以偈白母。

願母放我等。

出家作沙門。

諸佛甚難值。

我等隨佛學。

如優曇鉢華。

值佛復難是。

脫諸難亦難。願聽我出家。

母卽告言。聽汝出家。所以者何。佛難值故。於是二子白。父母言。善哉。父母。願時往詣雲雷音宿王華智佛所。親近供養。所以者何。佛難得值。如優曇鉢羅華。又如一眼之龜。值浮木孔。而我等宿福深厚。生值佛法。是故父母當聽我等。令得出家。所以者何。諸佛難值。時亦難遇。彼時妙莊嚴王後宮八萬四千人。皆悉堪任受持。是法華經。淨眼菩薩。於法華三昧。久已通達。淨藏菩薩。已於無量百千萬億劫。通達離諸惡趣三昧。欲令一切衆生離

諸惡趣故。其王夫人得諸佛集三昧。能知諸佛秘密之藏。二子如是。以方便力。善化其父。令心信解。好樂佛法。

此化功已著。佛歎功德也。法華三昧者。攝一切法。歸一實相。

於時妙莊嚴王。與群臣眷屬俱。淨德夫人。與後宮采女眷屬俱。其王二子。與四萬二千人俱。一時共詣佛所。到已。頭面禮足。繞佛三匝。却住一面。爾時彼佛爲王說法。示教利喜。王大歡悅。爾時妙莊嚴王。及其夫人。解頸真珠瓔珞。價值百千。以散佛上。於虛空中。化成四柱寶臺。臺中有大寶牀。敷百千萬天衣。其上有佛。結加趺坐。放

大光明爾時妙莊嚴王作是念。佛身希有。端嚴殊特。成就第一微妙之色。時雲雷音宿王華智佛。告四衆言。汝等見是妙莊嚴王。於我前合掌立不。此王於我法中作比丘。精勤修習。助佛道法。當得作佛。號娑羅樹王。國名大光。劫名大高王。其娑羅樹王佛。有無量菩薩衆。及無量聲聞。其國平正。功德如是。其王卽時以國付弟。與夫人二子并諸眷屬。於佛法中。出家修道。王出家已。於八萬四千歲。常勤精進。修行妙法華經。過是已後。得一切淨功德。莊嚴三昧。卽升虛空。高七多羅樹。而白佛言。世

等。此我二子。已作佛事。以神通變化。轉我邪心。令得安住於佛法中。得見世尊。此二子者。是我善知識。爲欲發起宿世善根。饒益我故。來生我家。爾時雲雷音宿王華智佛。告妙莊嚴王言。如是如是。如汝所言。若善男子。善女人。種善根故。世世得善知識。其善知識能作佛事。示教利喜。令入阿耨多羅三藐三菩提。大王當知善知識者。是大因緣。所以化導。令得見佛。發阿耨多羅三藐三菩提心。大王。汝見此二子不。此二子。已曾供養六十五百千萬億那由他恒河沙諸佛。親近恭敬。於諸佛所。受

持法華經。愍念和見衆生。令住正見。

能作佛事。外護善知識。示教利喜。教授善知識。化導見佛。同行善知識。令人菩提。實際實相善知識。

妙莊嚴王。卽從虛空中下。而白佛言。世尊。如來甚希有。以功德智慧。故頂上肉髻。光明顯照。其眼長廣而紺青色。眉間毫相。白如珂月。齒白齊密。常有光明。唇色赤好。如頻婆果。爾時妙莊嚴王。讚歎佛如是等無量百千萬億功德已。於如來前。一心合掌。復白佛言。世尊。未曾有也。如來之法。具足成就。不可思議微妙功德。教戒所行。安隱快善。我從今日。不復自隨心行。不生邪見。憍慢嗔

恚諸惡之心。說是語已。禮佛而出。

此舉古例。欲使行人以道自衛。不染而染者。妙莊嚴也。染而不染者。淨德也。羶真如之妙理者。淨嚴也。破痴暗於智照者。淨眼也。故能轉昔日之妙嚴。爲今日之華德。頻婆。此云相思果。色丹而闕。

佛告大衆。於意云何。妙莊嚴王。豈異人乎。今華德菩薩。是其淨德夫人。今佛前光照莊嚴相菩薩。是哀愍妙莊嚴王。及諸眷屬。故於彼中生。其二子者。今藥王菩薩。藥上菩薩。是藥王藥上菩薩。成就如此諸大功德。已於無量百千萬億諸佛所植衆德本。成就不可思議諸善功德。若有人識。是二菩薩名字者。一切世間諸天人。亦

應禮拜。佛說是妙莊嚴王本事品。時八萬四千人。遠塵離垢。於諸法中。得法眼淨。

○普賢菩薩勸發品第二十八。

別名徧吉。此稱普賢。普於穢惡世界。行菩薩道。使得嚴淨。我行。名為普賢。具四悲。檀。意。

鶴出銀籠。橫碧海。鳳離金網。拂雲衢。祇因不恋長安樂。到處逢人是故知。

爾時普賢菩薩。以自在神通力。威德名聞。與大菩薩。無量無邊。不可稱數。從東方來。所經諸國。普皆震動。兩寶蓮華。作無量百千萬億種種伎樂。又與無數諸天龍。夜叉。乾闥婆。阿修羅。迦樓羅。緊那羅。摩睺羅伽。人。非人等。

大衆圍繞。各現威德神通之力。到娑婆世界耆闍崛山中。頭面禮釋迦牟尼佛。右繞七匝。白佛言。世尊。我於寶威德上王佛國。遙聞此娑婆世界說法華經。與無量無邊百千萬億諸菩薩衆。共來聽受。惟願世尊。當為說之。若善男子。善女人。於如來滅後。云何能得是法華經。佛告普賢菩薩。若善男子。善女人。成就四法。於如來滅後。當得是法華經。一者為諸佛護念。二者植衆德本。三者入正定聚。四者發救一切衆生之心。善男子。善女人。如是成就四法。於如來滅後。必得是經。爾時普賢菩薩白。

佛言。世尊。於後五百歲濁惡世中。其有受持是經典者。我當守護。除其衰患。令得安隱。使無伺求得其便者。若魔。若魔子。若魔女。若魔民。若爲魔所著者。若夜叉。若羅刹。若鳩槃荼。若毘舍闍。若吉蔑。若富單那。若常陀羅等。諸惱人者。皆不得便。是人若行若立。讀誦此經。我爾時乘六牙白象王。與大菩薩衆。俱詣其所。而自現身供養守護。安慰其心。亦爲供養。泐華經故。是人若坐思惟此經。爾時我復乘白象王。現其人前。其人若於泐華經。有所忘失一句一偈。我當教之。與共讀誦。還令通利。爾時

受持讀誦泐華經者。得見我身。甚大歡喜。轉復精進。以見我故。卽得三昧。及陀羅尼。名爲旋陀羅尼。百千萬億旋陀羅尼。泐音方便陀羅尼。得如是等陀羅尼。

旋陀羅尼者。旋假入空也。百千旋者。旋空出假也。方便者。得入中道第一義諦。又空觀是旋陀羅尼。假觀是百千陀羅尼。中觀是泐音方便陀羅尼。

世尊。若後世後五百歲濁惡世中。比丘比丘尼。優婆塞。優婆夷。求索者。受持者。讀誦者。書寫者。欲修習是泐華經。於三七日中。應一心精進。滿三七日已。我當乘六牙白象。與無量菩薩。而自圍繞。以一切衆生所喜見身。現

其人前而爲說。示教利喜。亦復與其陀羅尼咒。得是陀羅尼故。無有非人能破壞者。亦不爲女人之所惑亂。我身亦自常護是人。唯願世尊聽我說此陀羅尼咒。卽於佛前而說咒曰。

阿檀地。檀陀婆地。檀陀婆帝。檀陀鳩舍隸。檀陀脩陀隸。修陀隸。修陀羅婆底。佛陀波羶禰。薩婆陀羅尼。阿婆多尼。薩婆婆沙。阿婆多尼。修阿婆多尼。僧伽婆履义尼。僧伽涅伽陀尼。阿僧祇。僧伽婆伽地。帝隸。阿情僧伽兜略。阿羅帝。波羅帝。薩婆僧伽地。三摩地。伽蘭

地。薩婆達磨。修波利刹帝。薩婆薩埵。樓駄橋舍略。阿窳伽地。幸阿毘吉利地帝。

世尊。若有菩薩得聞是陀羅尼者。當知普賢神通之力。若恣率經行閻浮提。有受持者。應作此念。皆是普賢威神之力。若有受持讀誦。正憶念。解其義趣。如說修行。當知是人。行普賢行。於無量無邊諸佛所。深種善根。爲諸如來手摩其頭。

是人同未來諸佛得脫。故言同普賢行。已於先佛植善。故言深種善根。爲現佛所獎。故言手摩其頭。

若但書寫。是以命終。當生忉利天上。是時八萬四千元。

女作衆伎樂而來迎之。其人卽著七寶冠。於采女中嬉
樂快樂。何況受持讀誦。正憶念。解其義趣。如說修行。若
有人受持讀誦。解其義趣。是人命終。爲千佛授手。令不
恐怖。不墮惡道。卽往兜率天上。彌勒菩薩所。彌勒菩薩
有三十二相。大菩薩衆。所共圍繞。有百千萬億天女眷
屬。而於中生。有如是等功德利益。是故智者應當一心
自書。若使人書。受持讀誦。正憶念。如說修行。世尊。我今
以神通力。故守護是經。於如來滅後。闍浮提內。廣令流
布。使不斷絕。爾時釋迦牟尼佛讚言。善哉善哉。普賢。汝

能護助經。令多所衆生。安樂利益。汝已成就不可思
議功德。深大慈悲。從久遠來。發阿耨多羅三藐三菩提
意。而能作是神通之願。守護是經。我當以神通力。守護
能受持普賢菩薩名者。普賢。若有受持讀誦。正憶念。修
習書寫。是法華經者。當知是人。則見釋迦牟尼佛。如從
佛口聞此經典。當知是人。供養釋迦牟尼佛。當知是人。
佛讚善哉。當知是人。爲釋迦牟尼佛手摩其頭。當知是
人。爲釋迦牟尼佛衣之所覆。如是之人。不復貪著世樂。
不好外道。經書手筆。亦復不喜親近其人。及諸惡者。若

屠兒若畜猪羊鷄狗若獵師若衒賣女色是人心意質直有正憶念有福德力是人不爲三毒所惱亦不爲嫉妬我慢邪慢增上慢所惱是人少欲知足能修普賢之行普賢若如來滅後後五百歲若有人見受持讀誦法華經者應作是念此人不久當詣道場破諸魔衆得阿耨多羅三藐三菩提轉法輪擊法鼓吹法螺雨法雨當坐天人大衆中師子法座上普賢若於後世受持讀誦是經典者是不復貪著衣服臥具飲食資生之物所願不虛亦於現世得其福報若有人輕毀之言汝狂人

耳空作是行終無所獲如是罪報當世世無眼若有供養讚歎之者當於今世得現果報若復見受持是經者出其過惡若實若不實此人現世得白癩病若輕笑之者當世世牙齒踈缺醜唇平鼻手脚繚戾_狀眼目角眇身體臭穢惡瘡膿血水腹短氣諸惡重病是故普賢若見受持是經典者當起遠迎當如敬佛說是普賢勸發品時恒河沙等無量無邊菩薩得百千萬億旋陀羅尼三千大千世界微塵等諸菩薩具普賢道佛說是經時普賢等諸菩薩舍利弗等諸聲聞及諸天龍人非人等

一切大會皆大歡喜受持佛語作禮而去

持經者現世得福輕毀者現世獲罪教戒諄諄使人
自擇所以為勸發皆大歡喜是聞經得益矇旁視
三十七品助道法皆入道深深之等類
四念處一身念謂觀色身不淨二受念謂觀領受俱
是苦三心念謂觀識心生滅無常四法念謂觀諸法
從因緣生皆無有我
四正勤能令斷惡生善也
四如意一欲如意二精進如意三念如意四思惟如
意皆於所修之法如願滿足也
五根一信根信正道也二精進根修正法無間雜也
三念根於正法能記憶也四定根攝心不散也五慧
根於諸法觀照明了也
五力一信力二精進力三念力四定力五慧力
七覺分一擇覺揀擇諸真偽二精進覺修諸道法也
三喜覺契悟真法也四除覺斷除煩惱也五捨覺捨
離念着也六定覺覺了禪定也七念覺思惟道法也

凡正道一正見能見真理也二正思惟心無邪念也
三正語言無虛妄也四正業白淨善業也五正命依
法乞食也六正精進修諸道行也七正念專心憶法
也八正定一心住於真空也
五教宗旨
昔淨因小禪師開示善華嚴曰法師所謂佛法小乘
教者乃有義也大聖始教者乃空義也大乘終教者
乃不有空義也大乘頓教者乃即有空義也一
乘圓教者乃不有而有
法蓮華經卓解卷第七

孫翰飛諸儲元

閱經隨喜姓氏
友楊泰生講與基
法師心源講性守
法嗣綠野講起悟
子御六諦乾貞
聖思講拱樞
君階講升貞
紫苑講顯貞

厚躬講體元
群爽講輪元
來初講始元
方狹講培元
介武講純元
禎曰壽曰康曰福曰壽

祖定溪公誥贈兵部尚書
伯少瀛公勅贈文林郎
父星魯公誥封資善大夫
兄元仗諱必達兵部尚書
兄泰豐諱文治德慶知州
兄型唐諱光治光祿署丞
兄肩虞諱從治山東巡撫
兄銘殷諱允治和州同知
侄大酉諱師貞揭陽二尹
侄實摩諱石麒吏部尚書
侄伯圓諱同貞錦衣指揮
侄中侯諱孚貞孝廉
子兩辰諱蒙貞文學
慈此良因各誣菩提

祖母湯氏誥贈太夫人
母黃氏誥贈太夫人
室許氏屠氏李氏丁氏
孫賓臣諱卿府試冠軍
遷爾天折惜哉友人
沈紹川王復溪黃恂所
俞敬竹錢憑沙賈惺常
陳芳公沈宗玉王天樞
泉臺拔苦覺路蚤登昔
大清康熙丙午歲八月
壬子日傳臨濟正宗三
十二世徐昌治於蘇州
法華尊經圓滿之月丹
申報德酬恩之誥虔禱

